

史

記

一



百衲本二十四史

史記

四部叢刊史部

上海涵芬樓影印
南宋黃善夫刻本
原書板匡高二十
公分寬十三公分

前序

昔司馬溫公嘗言少時惟得高氏小史讀之自
宋訖隋正史並南北史或未嘗得見或讀之不
熟今因修南北朝通鑑方得細觀章實齋又言
通鑑爲史節之最粗而紀事本末又爲通鑑之
綱紀奴僕嘗以此不足爲史學而止可爲史纂
史鈔由是言之爲學不可不讀史尤不可不讀
正史正史彙刻之存於今者有汲古閣之十七
史有南北監之二十一史有武英殿之二十四
史南監本多出宋元舊槧汲古開雕亦稱隨遇
宋版精本考校然今皆不易致兩監覆刻校勘
未精訛舛彌甚且多不知妄改昔人久有定評
今世之最通行者莫如武英殿本數十年來重

梓者有新會陳氏本有金陵淮南江蘇浙江湖北五局僥配汲古合刻本活版者有圖書集成局本石印者有同文書局本有竹簡齋本有五洲同文局本先後繼起流行尤廣惟是殿本校刻雖號精審而天祿琳琅之珍祕內閣大庫之叢殘史部美不勝收當日均未及蒐討僅僅兩漢三國晉隋五史依據宋元舊刻餘則惟有明兩監之是賴遷史集解正義多所芟節四庫提要羅列數十條謂皆殿本所逸若非震澤王本具存無由知其妄刪然何以不加輯補琅邪章懷兩漢舊注殿本脫漏數字乃至數百字不等宋嘉祐時校刊七史奉命諸臣劉范曾王皆績學之士篇末所疏疑義備極審慎殿本留貽不

逮其半實則淳化景祐之古本紹興眉山之覆
刻尙存天壤何以不亟探求任其散佚是則檢
稽之略也後漢續志別於范書殿本旣信爲司
馬彪所撰而卷首又稱劉昭補志且併爲百二
十卷廁八志於紀傳之間國志鼎立分卷各殊
殿本旣綜爲六十五卷而三志卷數又仍各爲
起訖其他大題小題之盡廢舊式者更無論矣
是則修訂之歧也薛氏五代史輯自永樂大典
及其他各書卷數具載原稿乃鋟版之時悉予
刊落後人欲考其由來輒苦無從循溯又諸史
均附考證而明史獨否雖乾隆四十二年有考
覈添修之詔而進呈正本迄未刊布且紀志表
之百十六卷猶從蓋闕是則纂輯之疏也蜀臣

關羽傳自陳壽忽於千數百年後強代秉筆追
謚忠義薛史指斥契丹如戎王戎首獬狁賊寇
僞命犯闕編髮犬羊等語何嫌何疑概爲改避
又明修元史洪武二年先成本紀三十七志五
十三表六傳六十三目錄二翌年續成紀十志
五表二傳三十又六釐分附麗共成二百一十
卷一見於李善長之表再見於宋濂之記殿本
則取先後成書之數併爲一談李表旣非原文
宋記復失存錄是則刪竄之誤也南齊巴州之
志桂陽始興二王之傳蜀刻大字曾無闕文果
肯訪求何難拾補然此猶可曰孤本罕見也宋
孝宗之紀田况之傳至正初刊均未殘佚而何
以一則竄合二字充以他葉一則脫去全葉不

考文義然此猶可曰初版難求也金史禮儀志
太宗諸子傳初印凡闕二葉嗣已出內府藏本
校補矣而後出之本一乃補自他書一仍空留
素紙其他少則一二句多至數行數十行脫簡
遺文指不勝屈猶不止此闕文之外更有複葉
如宋史卷三十五之孝宗紀元史卷三十六之
文宗紀是複葉之外更有錯簡如元史卷五十
三之曆志是此則當日校刻諸臣不能辭其麤
忽之咎者也長沙葉煥彬吏部語余有清一代
提倡樸學未能彙集善本重刻十三經二十四
史實爲一大憾事余感其言慨然有輯印舊本
正史之意求之坊肆勾之藏家近走兩京遠馳
域外每有所觀輒影存之後有善者前卽舍去

積年累月均得有較勝之本雖舛錯疎遺仍所
難免而書貴初刻洵足以補殿本之罅漏誦校
粗畢因付商務印書館用攝影法覆印行世縮
損版式冀便巾箱眞面未失無慮塵葉或爲有
志乙部者之一助歟中華民國十九年三月朔
日海鹽張元濟

後序

遜清文治盛稱乾隆高宗初立成明史命武英殿開雕至四年竣工繼之者二十一史其後又詔增劉昫唐書與歐宋新書並行越七年遂成武英殿二十三史四庫館開諸臣復據永樂大典及太平御覽冊府元龜等書裒輯薛居正舊五代史請旨刊布以四十九年奏進於是二十四史之名以立按乾隆元年詔頒二十一史於各省會及府州縣學綜計當需千數百部監本刊敝不堪摹印度其事必未能行故有四年重刻之舉高宗製序亦有監本殘闕併勅校讎以廣刊布之言是始意未嘗不思成一善本也遷史歐書人爭誦習天水舊槧詎乏貽留且宋遼

金元相去未遠至正洪武初印原本尤不至靡
有孑遺乃悉舍置不問而惟跼蹐於監本之下
因陋就簡能無遺憾在事諸臣既未能廣事蒐
求復不知慎加校勘佚者未補譌者未正甚或
彌縫缺失以贗亂真改善無聞作僞滋甚余已
一一指陳疏諸卷末非敢翹前哲之過實不欲
重誤來學也劉薛二史幾就消沈並予闡揚堪
稱盛舉余於聞人舊刻更得其紹興祖本雖僅
三分有一要亦人間未見之書所惜者薛史散
亡難窺真相曩聞贛南故家尙存殘帙赤胄徧
地早成劫灰而南京路轉運司之鈔本流轉於
嶺南江左之間若存若亡莫可蹤跡不得已而
思其次乃以大典注本承之抑亦藝林所同憾

矣景印之始海宇清寧未及兩年戰氛彌布中
更聞北之亂抱書而走亂定掇拾昕夕無間先
後七載卒底於成世之讀者猶得於國學衰微
之日獲見數百年久經沈霾之典籍相與探本
而尋源不至爲俗本所眩瞶詎不幸歟國立中
央研究院北平圖書館江蘇省立國學圖書館
網羅珍籍不吝通假常熟瞿君良士江安傅君
沅叔南海潘君明訓吳潘君博山海寧蔣君藻
新吳興劉君翰怡復各出所儲以相匡助亦有
海外儒林素富藏弃同時發篋遠道置郵使此
九仞之山未虧一簣詩曰中心藏之何日忘之
撫茲編者幸同鑒焉中華民國二十六年二月
立春日海鹽張元濟

史記集解序

中國書畫函授大學

集書



裴駰

司馬貞素隱曰駟字龍駒河東聞喜人宋中郎外兵曹參軍父

卷之四

四民家

海國圖志

裴駙司馬貞素隱曰駙字龍駒河東聞喜人宋中郎外兵曹參軍父
松之字世期太中大夫注三國志宋
書父子同傳。正義曰裴駙採九經
諸史并漢書音義及衆書之目而解
史記故題史記集解序序緒也孫炎
云謂端緒也孔子作易卦子
夏作詩序之義其來尚矣

班固有言曰

索隱曰固撰漢書作司馬遷傳評其作史記所採之書兼論其得失

故裴駟此序先引之爲說也按固字孟堅扶風人後漢明帝時仕至中護軍祖穉穎川太守父彪徐令續

太史公書
司馬遷

正義曰字子長左馮翊人也漢武帝時爲太史令撰史記百三十篇父談

亦爲太史令
據左氏國語

索隱曰仲尼作春秋經魯史左丘明作傳合三十篇

故曰左氏傳國語亦丘明所撰上起周穆王下訖敬王其諸侯之事起魯莊公迄春秋末凡二十一篇

采世本戰國策

索隱曰劉向云世本古史官明於古事者之所記也錄黃帝已

來帝王諸侯及卿大夫系謚名號凡十五篇也戰國策高誘云六國時縱橫之說也一日短長書亦曰國事劉向撰爲三十篇名曰戰國策按此是班固取其後名而書之非遷時已名戰國策

述楚

漢春秋

索隱曰漢太中大夫楚人陸賈所撰記項氏與漢高祖初起及說惠文間事

接

其後事訖于天漢

索隱曰武帝年號言太史公所記迄至武帝天漢之

也其言秦漢詳矣至於采經撫傳

索隱曰按字書

撫拾也音之赤反

分散數家之事甚多䟽略或有

抵牾

索隱曰抵音丁禮反牾音吾故反抵者觸也牾亦斜相抵觸之名按今屋梁上斜柱是也

斜觸謂之梧下觸謂之抵抵梧言其參差也
也以言彼此二文同出一家而自相乖舛亦其所

涉獵者廣博貫穿經傳馳騁古今上下

數千載間斯已勤矣

正義曰言作史記採經傳百家之事上下二千

餘年此其甚勤於撰錄也

又其是非頗謬於聖人

索隱曰聖人謂

周公孔子也言周孔之教皆宗儒尚德今太史公乃先黃老崇勢利是謬於聖人。正義曰太史公史記各顯六家之宗黃老道家之宗六經儒家之首序游俠則退處士述貨殖則崇勢利處士賤貧原憲非病夫作史之體務涉多時有國之規備陳臧否天地理咸使該通而遷天縱之才述作無滯故異周孔之道班固詆之裴駙引序亦通人之蔽也而固作漢書與史記同者五十餘卷謹寫史記少加異者不弱即劣何更非剽史記乃是後士妄非前賢又史記五十二萬六千五百言叙二千四百一十三年事漢書八

十一萬言叙二百二十五年事司馬遷引父致意班固父脩而蔽之優劣可知矣

論大道

則先黃老而後六經

正義曰大道者皆稟乎自然不可稱道也道在天地

之前先天地生不知其名字之曰道黃帝老子遵崇斯道故太史公論大道須先黃老而後六經

序

游俠則退處士而進姦雄

索隱曰游俠謂輕死重氣如荆軻豫

讓之輩也游從也行也俠挾也持也言能相從游行挾持之事又曰同是非曰俠○正義曰姦雄姦猾雄

豪之人

述貨殖

正義曰殖生也言貨物滋生也

則崇勢利

正義曰趨利之

人此其所蔽也

正義曰此三者是司馬遷不達理也

然自劉向

揚雄博極羣書皆稱遷有良史之才服

其善序事理辯而不華質而不俚

索隱曰俚音里

劉德曰：俚，即鄙也。崔浩云：世有鄙。其文直其事

核，不虛美，不隱惡，故謂之實錄。駟以爲

固之所言，世稱其當。正義曰：駟音因，當音丁，浪反。裴駟以班固所論

司馬遷史記是非，雖時有紕繆。索隱曰：紕音匹，

亦作慙。字書云：織者兩絲同齒曰慙，繆亦與繆同。實勒成一家。正義曰：雖

實編勒成一總，其大較。索隱曰：較音角，較猶略也。則大較猶言大略也。○正

義曰：較，信命世之宏才也。索隱曰：按孟子云五百年生一賢，其間必

有名世者。趙岐曰：名世，次聖之才，物來能名。此言考

較此書文句不同，有多有少，莫辯其實。

而世之惑者定彼從此是非相質真偽

舛雜

正義曰質音茂舛音昌轉反言世之迷惑淺識之人或定彼從此本更相貿易真偽雜亂

不能辯其是非

故中散大夫東莞徐廣研核衆本

爲音義

正義曰作音義十三卷裴駙爲注散入百三十篇

具列異同

兼述訓解

正義曰徐作音義具列異同之本兼述訓解釋也

粗有所

發明而殊恨省略

索隱曰殊絕也左傳曰斬其木不殊言絕恨其所撰太省

略。正義曰省音山景反

聊以愚管

索隱曰按東方朔去以管窺天以蠡測海皆喻小也

然此語本出莊子文今去愚管者是駙謙言己愚陋管見所識不能遠大也

增演徐氏

正義曰演音羊善反增益也言裴駙更增益演徐氏之說

采經傳百家并先

儒之說

正義曰採取也或取傳說採諸子百家兼取先儒之義先儒謂孔安國鄭玄服虔賈逵等是也言百

家廣其非一

豫是有益悉皆抄內

正義曰並採經傳之

說有裨溢史記盡抄內其中抄音楚交反

刪其游辭取其要實

正義

曰刪音師顏反刪除也去經傳諸家浮游之辭取其精要之實

或義在可疑則

數家兼列

正義曰兼列數家之說不同各有道理致生疑惑不敢偏棄故皆兼列

漢書音義稱臣瓚者莫知氏姓

索隱曰按即傳瓚而

劉孝標以爲于瓚非也據何法盛書于瓚以穆帝時爲大將軍誅死不言有註漢書之事又其註漢書有

引祿秩令及茂陵書然彼二書亡於西晉非于所見也必知是傳瓚者按穆天子傳目錄亡傳瓚爲校書

郎與荀勗同校定穆天子傳即當西晉之朝在于之前尚見茂陵等書又稱臣者以其職典秘書故也瓚

音殘
岸反

今直云璣曰又都無姓名者但云

漢書音義

正義曰漢書音義中有全無姓名者裴氏注史記直云漢書音義按大顏

以爲無名義今有六卷題云孟康或云服虔蓋後所加皆非其實未詳拍歸也

時見微意

有所裨補

正義曰見音賢見反裨音卑又音頻移反裨益也裴氏云時見己之微意亦有

所補益也譬嘒星之繼朝陽

索隱曰嘒微小星三五在東

言衆無名微小之星各隨三心五蜀出在東方亦能繼朝陽之光嘒音火慧反朝陽日也嘒星繼朝陽喻

已淺薄而註史記也飛塵之集華嶽

正義曰西岳華山極高大裴氏自喻材藻

輕小如飛塵之集華岳亦能成其高大管子云海不辭水故能成其大山不辭土故能成其高華音故化

反又如字

以徐爲本

正義曰徐廣音義辨諸家異同故以徐爲本也

號曰集

解未詳則闕弗敢臆說

正義曰有未詳審之則闕而不論不敢

以肖臆之中而妄解說也

人心不同

正義曰言人心既不同所見亦殊別也

聞見

異辭

正義曰耳聞目見心意既乖其辭所以各異也

班氏所謂疏略

抵牾者依違不悉辯也

索隱曰裴氏言今或依違不復更辯明之

也按周公世家叙傳曰依之違之周公綏之

愧非肯臣之多聞

索隱曰晉

大夫曰季名曰胥臣按國語稱晉文公使趙衰為卿辭曰欒枝貞慎先軫有謀胥臣多聞皆可以為輔又

胥臣對文公黃帝二十五子及屯豫皆八等事是多聞也

子產之博物

索隱曰鄭

卿公孫僑字子產按左氏傳子產聘晉言晉侯之疾非實沈臺駘之祟乃說飲食哀樂及內官不及同姓

則能生疾晉侯聞子產之言曰博物君子也

妄言末學蕪穢舊史

豈足以關諸畜德庶賢無所用心而已
索隱曰關預也畜德謂積德多學之人也裴氏謙言
已今此集解豈足關預於積學多識之士乎正是冀
望聖賢勝於飽食終日無所用心
愈於論語不有博奕者乎之人耳

建安黃善夫刊

于家塾之敬室

史記集解序



補史記序

小司馬氏

太史公古之良史也家承二正之業人當五百之運兼以代爲史官親掌圖籍慨春秋之絕筆傷舊典之闕文遂乃錯綜古今囊括記錄本皇王之遺事採人臣之故實爰自黃帝迄于漢武歷載悠邈舊章罕補漁獵則窮於百氏筆削乃成於一家父作子述其勤至矣然其叙

勸褒貶頗稱折衷後之作者咸取則焉
夫以首創者難爲功因循者易爲力自
左氏之後未有體制而司馬公補立紀
傳規模別爲書表題目莫不本紀十二
象歲星之一周八書有八篇法天時之
八節十表放剛柔十日三十世家比月
有三旬七十列傳取懸車之暮齒百三
十篇象閏餘而成歲其間禮樂刑政君
舉必書福善禍淫用垂炯誠事廣而文

局詞質而理暢斯亦盡美矣而有未盡
善者具如後論雖意出當時而義非經
遠蓋先史之未備成後學之深疑借如
本紀叙五帝而闕三皇世家載列國而
有外戚邾許春秋次國略而不書張吳
敵國蕃王抑而不載並編錄有闕竊所
未安又列傳所著有管晏及老子韓非
管晏乃齊之賢卿即如其例則吳之延
陵鄭之子產晉之叔向衛之史魚盛德

不闕何爲蓋闕伯陽清虛爲教韓子峻
刻制法靜躁不同德刑斯并今宜柱史
共漆園同傳公子與商君並列可不善
歟其中遠近乖張詞義踳駁或篇章倒
錯或贊論麤疎蓋由遭逢非罪有所未
暇故十篇有錄無書是也然其網絡古
今叙述懲勸異左氏之微婉有南史之
典實所以揚雄班固等咸稱其有良史
之才蓋信乎其然也後褚少孫亦頗加

補綴然猶未能周備貞業謝顓門人非
博古而家傳是學頗事討論思欲續成
先志潤色舊史輒黜陟陞降改定篇目
其有不備並採諸典籍以補闕遺其百
三十篇之贊記非周悉並更申而述之
附于衆篇之末雖曰狂簡必有可觀其
所改更具條于後至如徐廣唯略出音
訓兼記異同未能考覈是非解釋文句
其裴駰實亦後進名家博採羣書專取

經傳訓釋以爲集解然則時有冗長至於盤根錯節殘缺糾繆咸拱手而不言斯未可謂通學也今輒採按今古仍以裴爲本兼自見愚管重爲之註號曰小司馬史記然前朝顏師古止註漢史今並謂之顏氏漢書貞雖位不逮顏公旣補史舊兼下新意亦何讓焉

史記補史序

史記索隱序

朝散大夫國子博士弘文館

學士河內司馬

貞

史記者漢太史司馬遷父子之所述也
遷自以承五百之運繼春秋而纂是史
其褒貶覈實頗亞於丘明之書於是上
始軒轅下訖天漢作十二本紀十表八
書三十系家七十列傳凡一百三十篇
始變左氏之體而年載悠邈簡冊闕遺



勸成一家其勤至矣又其屬橐先據左
氏國語系本戰國策楚漢春秋及諸子
百家之書而後貫穿經傳馳騁古今錯
綜隱括各使成一國一家之事故其意
難究詳矣比於班書微爲古質故漢晉
名賢未知見重所以魏文侯聽古樂則
唯恐卧良有以也逮至晉末有中散大
夫東莞徐廣始考異同作音義十三卷
宋外兵叅軍裴駙又取經傳訓釋作集

解合爲八十卷雖粗見微意而未窮討
論南齊輕車錄事鄒誕生亦作音義三
卷音則微殊義乃更略爾後其學中廢
貞觀中諫議大夫崇賢館學士劉伯莊
達學宏才鉤深探賾又作音義二十卷
比於徐鄒音則具矣殘文錯節異旨微
義雖知獨善不見傍通欲使後人從何
准的貞諛聞陋識頗事鑽研而家傳是
書不敢失墜初欲改更舛錯裨補踈遺

義有未通兼重註述然以此書殘缺雖多實爲古史忽加穿鑿難允物情今止探求異聞採撫典故解其所未解申其所未申者釋文演註又重爲述贊凡三十卷號曰史記索隱雖未敢藏之書府亦欲以貽厥孫謀云

史記索隱序

史記索隱後序

夫太史公紀事上始軒轅下訖天漢雖博采古文及傳記諸子其間殘缺蓋多或訪搜異聞以成其說然其人好奇而詞省故事覈而文徵是以後之學者多所未究其班氏之書成於後漢彪旣依遷而述所以條流更明且又兼采衆賢羣理畢備故其旨富其詞文是以近代諸儒共所鑽仰其訓詁蓋亦多門蔡謨集解之時已有二十四家之說所以於文無所滯於理無所遺而太史公之書旣上序軒黃中述戰國或得之

於名山壞宅或取之以舊俗風謠故其殘文斷
句難究詳矣然古今爲註解者絕省音義亦希
始後漢延篤乃有音義一卷又別有音隱五卷
不記作者何人近代鮮有之家之本宋中散大
夫徐廣作音義一十卷唯記諸本異同於義少
有解釋又中兵郎裴駙亦名家之子也作集解
註本合爲八十卷見行於代仍云亦有音義前
代久已散亡南齊輕車錄事鄒誕生亦撰音義
三卷音則尚奇義則罕說隋秘書監柳顧言尤
善此史劉伯莊云其先人曾從彼公受業或音

解隨而記錄凡三十卷隋季喪亂遂失此書伯
莊以貞觀之初奉勅於弘文館講授遂采鄒徐
二說兼記憶柳公音旨遂作音義二十卷音乃
周備義則更略惜哉古史微文遂由數賢秘寶
故其學殆絕前朝吏部侍郎許子儒亦作註義
不覩其書崇文館學士張嘉會獨善此書而無
註義貞少從張學晚更研尋初以殘缺處多兼
鄙褚少孫誣謬因憤發而補史記遂兼註之然
其功殆半乃自唯曰千載古良史難更然因退
撰音義重作贊述蓋欲以剖盤根之錯節遵北

轅於司南也凡爲三十卷號曰史記索隱云

史記正義序

諸王侍讀宣義郎守右清道

率府長史張

守節上

史記者漢太史公司馬遷作遷生龍門
耕牧河山之陽南遊江淮講學齊魯之
郡紹太史繼春秋括文魯史而包左氏
國語采世本戰國策而撫楚漢春秋貫
紬經傳旁搜史子上起軒轅下暨天漢
作十二本紀帝王興廢悉詳三十世家

君國存亡畢著八書贊陰陽禮樂十表
定代系年封七十列傳忠臣孝子之誠
備矣筆削冠於史籍題目足以經邦裴
駟服其善序事理辯而不華質而不俚
其文直其事核不虛美不隱惡故謂之
實錄自劉向揚雄皆稱良史之才況墳
典湮滅簡冊闕遺比之春秋言辭古質
方之兩漢文省理幽守節涉學三十餘
年六籍九流地里蒼雅銳心觀採評史

漢詮衆訓釋而作正義郡國城邑委曲
申明古典幽微竊探其美索理允愜次
舊書之旨兼音解注引致傍通凡成三
十卷名曰史記正義發揮膏肓之辭思
濟滄溟之海未敢侔諸秘府冀訓詁而
齊流庶貽厥子孫卅疇茲史于時歲次
丙子開元二十四年八月殺青斯竟

史記正義序

史記正義論例謚法解

諸王侍讀宣義郎守右清道率府長史張 守節 上

論史例

古者帝王右史記言左史記事言爲尚書事爲春秋太史公兼之故名曰史記并採六家雜說以成一史備論君臣父子夫妻長幼之序天地山川國邑名號殊俗物類之品也太史公作史記起黃帝高陽高辛唐堯虞舜夏殷周秦訖于漢武帝天漢四年合二千四百一十三年作本紀十二象歲十二月也作表十象天之剛柔十

日以記封建世代終始也作書八象一歲八節
以記天地日月山川禮樂也作世家三十象一
月三十日三十輻共一轂以記世祿之家輔弼
股肱之臣忠孝得失也作列傳七十象一行七
十二日言七十者舉全數也餘二日象閏餘也
以記王侯將相英賢略立功名於天下可序列
也合百三十篇象一歲十二月及閏餘也而太
史公作此五品廢二不可以統理天地勸獎箴
誠爲後之楷模也

論注例

史記文與古文尚書同者則取孔安國注若與
伏生尚書同者則用鄭玄王肅馬融所釋與三
傳同者取杜元凱服虔何休賈逵范甯等注與
三禮論語孝經同者則取鄭玄馬融王肅之注
與韓詩同者則取毛傳鄭箋等釋與周易同
者則依王氏之注與諸子諸史雜書及先儒解
釋善者而裴駟並引爲注又徐中散作音訓校
集諸本異同或義理可通者稱一本云又一本
云自是別記異文裴氏亦引之爲注

論字例

史漢文字相承已久若悅字作說閑字作間智
字作知汝字作女早字作蚤後字作后既字作
既勅字作飭制字作制此之般流緣古少字通
共用之史漢本有此古字者乃爲好本程邈變
篆爲隸楷則有常後代作文隨時改易衛宏官
書數體呂忱或字多奇鍾王等家以能爲法致
令楷文改變非復一端咸著秘書傳之歷代又
字體垂日久其黼黻之字法從黼丁履反今之史
本則有從端音端秦本紀云天子賜孝公黼黻鄒
誕生音甫弗而鄒氏之前史本已從端矣如此

之類並即依行不可更改若其龜鼃從龜辭從
舌覺學從與泰恭從小匱匠從走巢藻從果耕
籍從禾席下爲帶美下爲大裛下爲衣極下爲
點析旁著片惡上安西餐側出頭離邊作禹此
之等類例直是訛字寵勅勇反字爲錫音陽以支章移反
代文問分反將无混無若茲之流便成兩失

論音例

史文與傳諸書同者劉氏並依舊本爲音至如
太史公改五帝本紀便章百姓便程東作便程
南譌便程西成便在伏物咸依見字讀之太史

變尚書文者義理特美或訓意改其古澀何煩
如劉氏依尚書舊音斯例蓋多不可具錄著在
正義隨文音之君子宜詳其理庶明太史公之
達學也然則先儒音字比方爲音至魏秘書孫
炎始作反音又未甚切今並依孫反音以傳後
學鄭康成云其始書之也倉卒無字或以音類
比方假借爲之趣於近之而已受之者非一邦之
人其鄉同言異字同音異於茲遂生輕重訛謬
矣然方言差別固自不同河北江南最爲鉅異
或失在浮清或帶於重濁今之取捨冀除茲弊

夫質有精麤謂之好惡字並如心有愛憎稱為好

惡

並去聲

當體則名譽

音預

情乖則曰毀譽

音餘

自壞

平怪反

壞徹

怪上音

自斷

徒緩反自去離也

刀斷

端管反以刀割令相去也

耶

也奢反未審之辭也

也

亦且反助句之語也

復

音伏又扶富反重也

過

古卧反越度也

解

核買反自散也

間

紀莧反隙也

畜

許又反

畜

許六反養也

先

蘇前反

仙

屑然反

尤

羽求反

侯

胡溝反

治持

並音直之反

之

止而反脂

砥抵

並音旨夷反

惟維遺唯

並音以位反

怡貽頤詒

並音與之

夷寅

彛姨

並音以脂反

私

息脂反

綏雖睢菱

並音息遺反

偲司伺絲

並音巨支反

卮枝祗肢

並音章移反

祗岐

並音巨支

其期旗棊蹠

並音渠之反

祈頎旂幾畿

並音渠希反

僖

熙嬉嘻

並音許其反

希晞晞稀

並音虛幾反

霏妃菲駢

並音

芳非反

飛非飛

並音匪肥反

尸屍著

並音式脂反

詩

書之中居反

反

斤筋

舉欣反

篇偏

並音芳連反

穿

詳連反

里李裏

並音良止反

反

至贄

並脂利反

志

之吏反

利涖

並力至反

吏

力置反

寺嗣飼

並辭吏反

字牴

並俟置反

自

疾二反

置致躋驚

並陟利反

器

去冀反

氣

去既反

亟

去吏反

冀概

几利反

既

居未反

覆

敷救反又敷福反

副

敷救反

富鍍

並府副反

若斯清濁實亦難分博學碩材

乃有甄異此例極廣不可具言庶後學士幸留

意焉

音字例

丈或相似音或有異一字單錄乃恐致疑兩字連文檢尋稍易若音上字言上別之所音下字乃復書下有長句在文中須音則題其字

發字例

古書字少假借蓋多字或數音觀義點發皆依平上去入若發平聲每從寅起又一字三四音者同聲異喚一處共發恐難辯別故略舉四十二字如字初音者皆爲正字不須點發

畜

許六反養也又許救反六畜也又他六反聚也

從

訟容反隨也又縱容反南

反相勸也又從用反侍從也又足用反恣也

數

色具反曆數述數也又色反次第也又色角反頻也

傳

逐戀反書傳也又逐全反

卒

子律反卒終也又蒼忽反急也尊忽反兵人也字體各別

不辨故

辟

君也徵也又頻亦反罪也開也正亦反邪也又發之也

施

書移反張也又式政反延也

間

紀閑反隙也又紀覓反射與也又羊政反延也

蛇夜反射也又

夏

胡馬反禹號也又胡嫁反春成亦反音石

復

符富反重

也又音伏也又音福徐役之也

重

直拱反尊也直龍反疊也又直用反累也

適

聖石反寬也之也又丁歷

反大也又張革反

記

音祀水在成皐又音凡邑名在襄城責也又音敵當也

也又音夷楚人呼土為汜橋

樂

音岳謂音樂也又音洛歡也又音五教反好也情願也

覆

敷富反蓋

也又敷福反再也

恐

曲用反疑也又兵拱反懼也

惡

烏各反麤也又烏路反憎也又音烏謂於何也

斷

端管反有物割截也又段緩反自相分也又端亂反斷疑事也

解

佳買反除結縛也又核買反散也又

佳債反念憶也

幾

音機庶幾也又音祈近也又音記亦冀望字也又音紀錄也

過

光卧

又核部反縫解

反度也罪過也又音率所律反平例也率伏也又音類也

戈經過也度前也又音刷徐廣云率即斂也又音色

類反將屈立勿反曲也又君勿反姓上時讓反位也元帥也又羣勿反盡也強也

掌反自王于方反人主也又于長直良反以也又藉才下而上放反霸王也又盛也

反各籍也又薦藉也培勃回反補也又勝音升又難又租夜反即借也蒲內反板也又

乃丹反艱也使所里反又相息羊反又沈針甚反又

乃旦反危也所吏反棺音官又古玩反又造早直今反又沈

禁反厭沒也任入今反又棺音官又古玩反又造早反七到

妻七低反切帝反費非味反用也又音秘

反至也

謚法解

惟周公旦太公望開嗣王業建功于牧野終將葬乃制謚遂叙謚法謚者行之迹號者功之表

古者有大功則賜之善號以爲稱也車服者位之章也是以大行受

大名細行受細名行出於己名生於人名謂號謚

民無能名神不名一善

一德不懈簡一不委曲

靖民則法皇靖安

平易不訾簡不信訾毀

德象天地帝同於天帝

尊賢貴義恭尊事賢人寵貴義士

仁義所往王民往歸之

敬事供上恭供奉也

立志及衆公

志無私也

尊賢敬讓恭

敬有德讓有功

執應八方侯

所執行八方應之

既過能改恭

言自知

賞慶刑威君

能行四者

執事堅固恭

守正不移

從之成羣君

民從之

愛民長弟恭

順長接弟

揚善賦簡聖

所稱得人所善得實所賦得簡

執禮御賓恭

迎待賓也

敬賓厚禮聖

厚於禮

比親之闕恭

脩德以益之

照臨四方明

以明照之

尊賢讓善恭

不專己善推於人

諧訢不行明

逆知之故不行

威儀悉備欽

威則可畏儀則可象

經緯天地文

成其道

大慮靜民定

思樹惠

道德博聞文

無不知

純行不爽定

行一不傷

學勤好問文

不恥下問

安民大慮定

以慮安民

慈惠愛民文

惠以成政

安民法古定

不失舊意

愍民惠禮文

惠而有禮

辟地有德襄

取之以義

賜民爵位文

與同升

甲冑有勞襄

亟征伐

綏柔士民德

安民以居安士以事

小心畏忌僖

思所當忌

剛彊直理武

剛無欲強不屈懷忠恕正曲直

質淵受諫釐

深故能愛

諫爭不威德

拒諫不以威

有罰而還釐

知難而退

威彊敵德武

與有德者敵

溫柔賢善懿

性純淑

克定禍亂武

以兵住故能定

心能制義度

制事得宜

刑民克服武

法以正民能使服

聰明叡哲獻

有通知之聰

夸志多窮武

大志行兵多所窮極

知質有聖獻

有所通而無藏

安民立政成

政以安定

五宗安之孝

五世之宗

淵源流通康

性無忌

慈惠愛親孝

周愛族親

溫柔好樂康

好豐年勤民事

秉德不回孝

順於德而不違

安樂撫民康

無四方之虞

協時肇厚孝

協合肇始

合民安樂康

富而教之

執心克莊齊

能自嚴

布德執義穆

故穆穆

資輔就共齊

資輔佐而共成

中情見貌穆

性公露

甄心動懼頃

甄精

容儀恭美昭

有儀可象行恭可美

敏以敬慎頃

疾於所慎敬

昭德有勞昭

能勞謹

柔德安衆靖

成衆使安

聖聞周達昭

聖聖通合

恭己鮮言靖

恭己正身少言而中

治而無責平

無災罪也

寬樂令終靖

性寬樂義以善自終

執事有制平

不任意

威德剛武圉

禦亂

布剛治紀平

施之政事

彌年壽考胡

父也

由義而濟景

用義而成

保民耆艾胡

六十曰耆七十曰艾

耆意大慮景

耆強也

布義行剛景

以剛行義

追補前過剛

勤善以補過

清白守節貞

行清白執志固

猛以剛果威

猛則少寬果敢行

大慮克就貞

能大慮非正而何

猛以彊果威

強其於剛

不隱無屈貞

恒然無私

彊義訖正威

問正言無邪

辟土服遠桓

以武正定

治典不殺祁

秉常不衰

克敬動民桓

敬以使之

大憲行節孝

言成其節

辟土兼國桓

兼人故啓土

治民克盡使

克盡無恩惠

能思辯衆元

別之使各有次

好和不爭安

生而少斷

行義說民元

民說其義

道德純一思

道大而德一

始建國都元

非善之長可以始之

大省兆民思

大親民而不殺

主義行德元

以義為主行德故

外內思索思

言求善

聖善周聞宣

聞謂所聞善事也

追悔前過思

思而能改

兵甲亟作莊

以數征為嚴

行見中外慤

表裏

歡圉克服莊

通邊圉使能服

狀古述今譽

立言之稱

勝敵志強莊

不撓故勝

昭功寧民商

明有功者

死於原野莊

非嚴何以死難

克殺秉政夷

秉政不任賢

屢征殺伐莊

以嚴釐之

安心好靜夷

不奕政

武而不遂莊

武功不成

執義揚善德

稱人之善

柔質慈民惠

知其性

慈仁短折懷

短未六十折未三十

愛民好與惠

與謂施

述義不克丁

不能成義

夙夜警戒敬

敬身急戒

有功安民烈

以武立功

秉德尊業烈

合善典法敬

非敬何以善之

剛克爲伐翼

伐功也

剛德克就肅

成其敬使爲終

思慮深遠翼

小心翼翼

執心決斷肅

言嚴果

外內貞復白

正而復終始一

不生其國聲

生於外家

不勤成名靈

任本性不見賢惠齊

未家短折傷

未家未娶

死而志成靈

志事不妄命

愛民好治戴

好民治

死見神能靈

有鬼不爲厲

典禮不愆戴

無過

亂而不損靈

不能以治損亂

短折不成殤

有知而夭殤

好祭鬼怪靈

續鬼神不致遠

隱拂不成隱

不以隱括改其性

極知鬼神靈

其智能聰徹

不顯尸國隱

以間主國

見美堅長隱

美過其令

殺戮無辜厲

官人應實知

能官人

愎恨遂過刺

去諫曰愎反是曰恨

肆行勞祀悼

放心勞於經祀言不脩德

不思忘愛刺

忘其愛已者

年中早夭悼

年不稱志

蚤孤短折哀

早未知人事

恐懼從處悼

從處言險圯

恭仁短折哀

體恭質仁功未施

凶年無穀荒

不務耕稼

好變動民躁

徙數移

外內從亂荒

家不治官不治

不悔前過戾

知而不改

好樂怠政荒

淫於聲樂怠於政事

怙威肆行醜

肆意行威

在國遭憂愍

仍多大喪

壅遏不通幽

弱損不凌

在國逢難愍

兵寇之事

蚤孤鋪位幽

鋪位即位而卒

禍亂方作愍

國無政動長亂

動祭亂常幽

易神之班

使民悲傷愍

苛政賊害

柔質愛諫慧

以虛受人

貞心大度匡

心正而用察少

名實不爽質

不傷言相應

德正應和莫

正其德應其和

溫良好樂良

言其人可好可樂

施勤無私類

無私唯義所在

慈和徧服順

能使人皆服其慈和

思慮果遠明

自任多近於專

博聞多能憲

雖多能不

嗇於賜與愛

言貪怪

滿志多窮惑

自足者必不惑

危身奉上忠

險不辭難

思慮不爽厚

不差所思而得

克威捷行魏

有威而敏行

好內遠禮煬

朋淫於家
不奉禮

克威惠禮魏

雖威不
逆禮

去禮遠衆煬

不率禮
不親長

教誨不倦長

以道
教之

內外賓服正

言以正
服之

肇敏行成直

始疾行成
言不深

彰義揜過堅

明義以
蓋前過

䟽遠繼位紹

非其第
過得之

華言無實夸

恢
誕

好廉自克節

自勝其
清欲

逆天虐民抗背尊大而逆之

好更改舊易變故改常

名與實爽繆言名美而實傷

愛民在刑克道之以政齊之以法

擇善而從比比方善而從之

除殘去虐湯

隱哀也景武也施德爲文除惡爲武辟地爲襄服遠爲桓剛克爲僖施而不成爲宣惠無內德爲平亂而不損爲靈由義而濟爲景餘皆象也

以其所爲謚象其事行

和會也勤勞也尊脩也爽傷也肇始

也怙恃也享祀也胡大也秉順也就會也錫與也典常也肆放也康虛也叡聖也惠愛也綏安也堅長也耆彊也考成也周至也懷思也武法也布施也敏疾也速也載事彌文以前周書謚法周代君王並取作謚故全寫一篇以傳後學

○漢書地理志云本秦京師為內史

顏師古云京師天子所居

畿內也秦并天下改立郡縣而京畿所統時號內史言其在內以別於諸郡守也百官表云內史周官秦因之掌治京師景帝二年分置左內史右內史武帝太初元年更名京兆尹左內史名馮翊主爵中尉秦官掌列侯景帝六年更名都尉武帝太初元年更名右扶風治內史與左馮翊京兆尹是為三輔也

秦地於天官東井輿鬼之分櫟其界自弘農故

關以西京兆扶風馮翊北地上郡西河安定天水隴西南有巴蜀廣漢犍爲武都西有金城武威張掖酒泉敦煌又西南有牂牁越雋益州

魏地甯觶參之分壘其界自高陵以東盡河東河內南有陳留及汝南之召陵潁彊新汲西華長平潁川之舞陽鄆陵河南之開封中牟陽武

酸棗卷

卷去
權反

周地柳七星張之分壘今之河南洛陽穀城平陰偃師鞏緱氏

韓地角亢氏之分壘韓分晉得南陽郡及潁川

之父城定陵襄城潁陽潁陰長社陽翟郟東接
汝南西接弘農得新安宜陽鄭今河南之新鄭
及成臯滎陽潁川之崇高城陽

趙地昴畢之分陘趙分晉得趙國北有信都真
定常山又得涿郡之高陽莫州鄉東有廣平鉅
鹿清河河間又得渤海郡之東平舒中邑文安
東州成平章武河以北也南至浮水繁陽內黃
斥丘西有太原定襄雲中五原上黨

燕地尾箕之分陘召公封於燕後三十六世與
六國俱稱王東有漁陽右北平遼西遼東西有

上谷代郡鴈門南有涿郡之易容城范陽北有
新成故安涿縣良鄉新昌及渤海之安次樂浪
玄菟亦宜屬焉

齊地虛危之分壑東有菑川東萊鄉耶高密膠
東南有泰山城陽北有千乘清河以南渤海之
高樂高城重合陽信西有濟南平原

魯地奎婁之分壑東至東海南有泗水至淮得
臨淮之下相睢陵僅取慮

宋地房心之分壑今之沛梁楚山陽濟陰東平
及東郡之須昌壽張今之睢陽

衛地營室東壁之分壑今之東郡及魏郡之黎陽河內之野王朝歌

楚地翼軫之分樹太之南郡江夏零陵桂陽武陵長沙及漢中汝南郡後陳魯屬焉

吳地斗牛之分壑今之會稽九江丹陽豫章廬江廣陵六安臨淮郡

粵地牽牛婺女之分壑今蒼梧鬱林合浦交趾九真南海日南

以前是戰國時諸國界域及相侵伐犬牙深入然亦不能委細故略記之用知大略

史記正義論例謚法解

百衲本二十四史總目

史

記

宋慶元黃善夫刊本

三十冊

漢

書

宋景祐刊本

三十二冊

後

漢

書

宋紹興刊本原闕五卷
半以元覆宋本配補

四十冊

三

國

志

宋紹熙刊本原闕魏志三
卷以宋紹興刊本配補

二十冊

晉

書

宋本原闕載記三十
卷以他宋本配補

二十四冊

宋

書

宋蜀大字本闕卷以
元明遞修本配補

三十六冊

南

齊

書

宋蜀大字本

一十四冊

梁

書

宋蜀大字本闕卷以
元明遞修本配補

一十四冊

陳書 宋蜀大字本 八冊

魏書 宋蜀大字本 五十冊

北齊書 宋蜀大字本闕卷以元明遞修本配補 一十冊

周書 宋蜀大字本闕卷以元明遞修本配補 一十二冊

隋書 元大德刊本 二十冊

南史 元大德刊本 二十冊

北史 元大德刊本 三十二冊

舊唐書 宋紹興刊本闕卷以明聞人銓覆宋本配補 三十六冊

新唐書 宋嘉祐刊本闕卷以他宋本配補 四十冊

舊五代史 原輯永樂大典有注本 二十四冊

五代史記 宋慶元刊本 一十四冊

宋史 元至正刊本闕卷以明成化刊本配補 百三十八冊

遼史 元至正刊本 一十六冊

金史 元至正刊本闕卷以元覆本配補 三十二冊

元史 明洪武刊本 六十冊

明史 清乾隆武英殿原刊本附王頌蔚編集考證擴逸 一百冊

總計八百二十冊



史記目錄

集解宋中郎外兵曹參軍裴駙

補史唐朝散大夫國子博士弘文館學士

河內司馬貞

索隱唐朝散大夫國子博士弘文館學士

河內司馬貞

正義唐諸王侍讀宣義郎守右清道率

府長史張守節

帝紀



第一卷

史記一

三皇
司馬貞補史

五帝

第二卷

史記二

夏

第三卷

史記三

殷

第四卷

史記四

周

第五卷

史記五

秦昭襄王

莊襄王

第六卷

史記六

秦始皇帝

二世皇帝

第七卷

史記七

項羽

第八卷

史記八

漢高祖

第九卷

史記九

呂太后

第十卷

史記十

孝文帝

第十一卷

史記十一

孝景帝

第十二卷

史記十二

孝武帝

年表

第一卷

史記十三

三代世表

第二卷

史記十四

十二諸侯年表

第三卷

史記十五

六國年表

第四卷

史記十六

秦楚之際月表

第五卷

史記十七

漢興以來諸侯年表

第六卷

史記十八

高祖功臣侯年表

第七卷

史記十九

惠景間侯者年表

第八卷

史記二十

建元以來侯者年表

第九卷

史記二十一

建元以來王子侯者年表

第十卷

史記二十二

漢興以來將相名臣年表

八書

第一卷

史記二十三

禮書

第二卷

史記二十四

樂書

第三卷

史記二十五

律書

第四卷

史記二十六

歷書

第五卷

史記二十七

天官書

第六卷

史記二十八

封禪書

第七卷

史記二十九

河渠書

第八卷

史記三十

平準書

世家

第一卷

史記三十一

吳太伯

第二卷

史記三十二

齊太公

第三卷

史記三十三

魯周公

第四卷

史記三十四

燕召公

第五卷

史記三十五

管蔡

第六卷

史記三十六

陳杞

第七卷

史記三十七

衛康叔

第八卷

史記三十八

宋微子

第九卷

史記三十九

晉

第十卷

史記四十

楚

第十一卷

史記四十一

越王句踐

第十二卷

史記四十二

鄭

第十三卷

史記四十三

趙

第十四卷

史記四十四

魏

第十五卷

史記四十五

韓

第十六卷

史記四十六

田敬仲完

第十七卷

史記四十七

孔子

第十八卷

史記四十八

陳涉

第十九卷

史記四十九

外戚

第二十卷

史記五十

楚元王

第二十一卷

史記五十一

荆燕

第二十二卷

史記五十二

齊悼惠王

第二十三卷

史記五十三

蕭相國

第二十四卷

史記五十四

曹相國

第二十五卷

史記五十五

留侯

第二十六卷

史記五十六

陳丞相

第二十七卷

史記五十七

絳侯

第二十八卷

史記五十八

梁孝王

第二十九卷

史記五十九

五宗

第三十卷

史記六十

三王

列傳

第一卷

史記六十一

伯夷

第二卷

史記六十二

管晏

第三卷

史記六十三

老子

莊子

申不害

韓非

第四卷

史記六十四

司馬穰苴

第五卷

史記六十五

孫武

吳起

第六卷

史記六十六

伍子胥

第七卷

史記六十七

仲尼弟子

第八卷

史記六十八

商君鞅

第九卷

史記六十九

蘇秦

第十卷

史記七十

張儀

陳軫

犀首

第十一卷

史記七十一

樗里子

甘茂

甘羅

第十二卷

史記七十二

穰侯

第十三卷

史記七十三

白起

王翦

第十四卷

史記七十四

孟軻

淳于髡

慎到

騶奭

荀卿

第十五卷

史記七十五

孟嘗君

第十六卷

史記七十六

平原君

虞卿

第十七卷

史記七十七

信陵君

第十八卷

史記七十八

春申君

第十九卷

史記七十九

范雎

蔡澤

第二十卷

史記八十

樂毅

第二十一卷

史記八十一

廉頗

藺相如

趙奢

李牧

第二十二卷

史記八十二

田單

第二十三卷

史記八十三

魯仲連

鄒陽

第二十四卷

史記八十四

屈原

賈誼

第二十五卷

史記八十五

呂不韋

第二十六卷

刺客

史記八十六

曹沫

專諸

豫讓

聶政

荊軻

第二十七卷

史記八十七

李斯

第二十八卷 史記八十八

蒙恬

第二十九卷 史記八十九

張耳

陳餘

第三十卷 史記九十

魏豹

彭越

第三十一卷 史記九十一

黥布

第三十二卷 史記九十二

淮陰侯

第三十三卷

史記九十三

韓王信

盧綰

第三十四卷

史記九十四

田儼

田橫

第三十五卷

史記九十五

樊噲

酈商

夏侯嬰

灌嬰

第三十六卷

史記九十六

張蒼

周昌

任敖

申屠嘉

韋賢

魏相

邴吉

黃霸

韋玄成

匡衡

第三十七卷

史記九十七

酈食其

陸賈

朱建

第三十八卷

史記九十八

傳寬

斬歆

周緤

第三十九卷

史記九十九

劉敬

叔孫通

第四十卷

史記一百

季布

欒布

第四十一卷

史記一百一

袁盎

鼂錯

第四十二卷

史記一百二

張釋之

馮唐

第四十三卷

史記一百三

石奮

衛綰

直不疑

周文

張敖

第四十四卷

史記一百四

田叔

子仁

任安

第四十五卷

史記一百五

扁鵲

倉公

第四十六卷

史記一百六

吳王濞

第四十七卷

史記一百七

竇嬰

田蚡

灌夫

第四十八卷

史記一百八

韓安國

第四十九卷

史記一百九

李廣

第五十卷

史記百一十

匈奴

第五十一卷

史記百一十一

衛青

第五十二卷

史記百一十二

公孫弘

主父偃

第五十三卷

史記百一十三

南越尉佗

第五十四卷

史記百一十四

東越

第五十五卷

史記百一十五

朝鮮

第五十六卷

史記百一十六

西南夷

第五十七卷

史記百一十七

司馬相如

第五十八卷

史記百一十八

淮南厲王

淮南王安

衡山王

第五十九卷

循吏

史記百二十九

孫叔敖

子產

公儀休

石奢

李離

第六十卷

史記百二十

汲黯

鄭當時

第六十一卷

儒林

史記百二十一

申生

轅固生

韓生

伏勝

董仲舒

胡毋生

第六十二卷

酷吏

史記百二十二

郅都

穽成

周陽由

趙禹

張湯

義縱

王溫舒

楊僕

減宣

杜周

第六十三卷

史記百二十三

大宛

第六十四卷

游俠

史記百二十四

朱家

劇孟

郭解

第六十五卷

佞幸

史記百二十五

鄧通

韓嫣

李延年

第六十六卷

滑稽

史記百二十六

淳于髡

優孟

優旃

東方朔

東郭先生

王先生

西門豹

第六十七卷

日者

史記百二十七

司馬季主

第六十八卷

史記百二十八

龜策

第六十九卷

貨殖

史記百二十九

范蠡

子貢

白圭

猗頓

卓氏

程鄭

宛孔氏

師史

任氏

第七十卷

史記百三十

太史公自序

帝紀一十二卷

年表一十卷

八書八卷

世家三十卷
列傳七十卷

逮
氏
勃
梓

史記目錄



三皇本紀

補史記

小司馬氏撰并注

小司馬氏云太史公作史記古今君臣宜應上自開闢下迄當代以爲一家之首尾今闕三皇而以五帝爲首者正以大戴禮有五帝德篇又帝世皆叙自黃帝已下故因以五帝本紀爲首其實三皇已還載籍罕備然君臣之始教化之先既論古史不合全闕近代皇甫謐作帝王代紀徐整作三五曆皆論三皇已來事斯亦近古之一證今並採而集之作三皇本紀雖復淺近聊補闕云

太皞庖犧氏風姓代燧人氏繼天而王母曰華胥履大人迹於雷澤而生庖犧於成紀蛇身人

首

按伏犧風姓出國語其華胥已下出帝王世紀然雷澤澤名即舜所漁之地在濟陰成紀亦地名按天水有成紀縣

有聖德仰則觀象於天俯則觀法於地旁觀鳥獸之文與地之宜近取諸身遠取諸物始畫八

卦以通神明之德以類萬物之情造書契以代

結繩之政於是始制嫁娶以儷皮為禮

按譙周古史考伏犧

制嫁娶以儷皮為禮也

結網罟以教佃漁故曰宓犧氏

按事出漢

書歷志

養犧牲以庖厨故曰庖犧有龍瑞以龍紀

宓音伏

官號曰龍師作三十五弦之瑟木德王注春令

故易稱帝出乎震月令孟春其帝太皞是也

按位

在東方象日之明

故稱太皞皞明也都於陳東封太山立二十一年崩

按皇甫謐伏犧葬南郡或曰冢在山陽高平之西也

其後裔當春秋時有任宿

須句顓臾皆風姓之胤也女媧氏亦風姓蛇身

人首有神聖之德代宓犧立號曰女希氏無革

造惟作笙簧

按禮明堂位及世本皆云女媧作簧

故易不載不承五

運一曰女媧亦木德王蓋必犧之後已經數世

金木輪環周而復始特舉女媧以其功高而充

三皇故頻木王也當其末年也諸侯有共工氏

任智刑以強霸而不王以水乘木乃與祝融戰

不勝而怒乃頭觸不周山崩天柱折地維缺女

媧乃鍊五色石以補天斷鼇足而立四極聚蘆

灰以上滔水以濟冀州

按其事出淮南子也

於是地平天成

不改舊物女媧氏沒神農氏作

按三皇記者不同譙周以燧人爲皇

朱均以祝融爲皇而鄭玄依春秋緯以女媧爲皇承伏犧皇甫謐亦同今依之爲說也

炎帝神農氏

姜姓母曰女登有媧氏之女爲少典妃感神龍而生炎帝人身牛首長於姜水因以爲姓

按國語炎

帝黃帝皆少典之子其母又皆有媧氏之女據諸子及古史考炎帝之後凡八代五百餘年軒轅氏代之豈炎帝黃帝是昆弟而同母氏乎皇甫謐以爲少典有媧氏諸侯國號然則姜媧二帝同出少典氏黃帝之母又是神農母氏之後代女所同是有媧氏之女也

火德王故曰炎帝以火名官斲木爲

耜揉木爲耒耨耨之用以教萬人始教耕故號神農氏於是作蜡祭以赭鞭鞭草木始嘗百草始有醫藥又作五弦之瑟教人日中爲市交易而退各得其所遂重八卦爲六十四爻初都陳後居曲阜

按今淮陽有神農井又左傳魯有大庭氏之庫是也

立一百二十年

崩葬長沙神農本起烈山故左氏稱烈山氏之

子曰柱亦曰厲山氏禮曰厲山氏之有天下是

也

按鄭玄云厲山神農所起亦曰有烈山皇甫謐曰厲山今隨之厲鄉也

神農納奔水氏

之女曰聽諉爲妃生帝哀哀生帝克克生帝榆

罔凡八代五百二十年而軒轅氏興焉

按神農之後凡八代

事見帝王代紀及古史考然古典亡矣况譙皇二氏皆前聞君子考按古書而爲此說豈至今鑿空乎此紀亦據以爲說其易稱神農氏沒即榆罔榆罔猶襲神農之號也其後有州甫甘許戲露齊

紀怡向申呂皆姜姓之後並爲諸侯或分四岳

當周室甫侯申伯爲王賢相齊許列爲諸侯霸

於中國蓋聖人德澤廣大故其祚胤繁昌又長

云一說三皇謂天皇地皇人皇爲三皇既是開
闢之初君臣之始圖緯所載不可全弃故兼序
之天地初立有天皇氏十二頭濬泊無所施爲
而俗自化木德王歲起攝提兄弟十二人立各
一萬八千歲蓋天地初立神人首出行化故其年世長久也然言十二頭者非謂一人之身有十二頭
地皇十一頭火德王姓十一人興蓋古質比之鳥獸頭數故也
於熊耳龍門等山亦各萬八千歲人皇九頭乘
雲車駕六羽出谷口兄弟九人分長九州各立
城邑凡一百五十世合四萬五千六百年天皇已下皆出
河圖及三五曆也自人皇已後有五龍氏五龍氏兄弟五人並乘龍上下故曰五龍

氏燧人氏

按其君鑽燧出火教人熟食在伏羲氏前譙周以爲三皇之首也

大庭氏栢

皇氏中央氏卷須氏栗陸氏驪連氏赫胥氏尊

盧氏渾沌氏昊英氏有巢氏朱襄氏葛天氏陰

康氏無懷氏斯蓋三皇已來有天下者之號

按皇

甫謚以爲大庭已下一十五君皆襲庖犧之號事不經見難可依從然按古封太山者首有無懷氏乃在太昊之前豈得

如謚但載籍不紀莫知姓王年代所都之處而

韓詩以爲自古封太山禪梁甫者萬有餘家仲

尼觀之不能盡識管子亦曰古封太山七十二

家夷吾所識十有二焉首有無懷氏然則無懷

之前天皇已後年紀悠邈皇王何昇而告但古

書云矣不可備論豈得謂無帝王耶故春秋緯稱自開闢至於獲麟凡三百二十七萬六千歲分爲十紀凡世七萬六百年一曰九頭紀二曰五龍紀三曰攝提紀四曰合雒紀五曰連通紀六曰序命紀七曰脩飛紀八曰回提紀九曰禪通紀十曰流訖紀蓋流訖當黃帝時制九紀之間是以錄於此補紀之也

史壹肝柴拾壹字

注柴伯單致字

三皇本紀

補史記

五帝本紀第一

史記一

裴駢曰凡是徐氏義稱徐姓名以別之餘者悉是駢註解并集衆家義。司馬貞索隱曰紀者記也本其事而記之故曰本紀又紀理也然縷有紀而帝王書稱紀者言爲後代綱紀也。正義曰鄭玄注中候勅省圖云德合五帝坐星者稱帝又坤靈圖云德配天地在正不在私曰帝按太史公依世本大戴禮以黃帝顓頊帝嚳唐堯虞舜爲五帝譙周應劭宋均皆同而孔安國尚書序皇甫謐帝王世紀孫氏注世本並以伏羲神農黃帝爲三皇少昊顓頊高辛唐虞爲五帝裴松之史目云天子稱本紀諸侯曰世家本者繫其本系故曰本紀者理也統理衆事繫之年月名之曰紀第者次序之目一者舉數之由故曰五帝本紀第一。又曰禮云動則左史書之言則右史書之正義云左陽故記動右陰故記言言爲尚書事爲春秋按春秋時置左右史故云史記也

黃帝者

徐廣曰號有熊。索隱曰按有土德之瑞土色黃故稱黃帝猶神農火德王而稱炎帝然也此以黃

帝爲五帝之首蓋依大戴禮五帝德又譙周宋均亦以爲然而孔安國皇甫謐帝王代紀及孫氏註系本並以伏羲神農黃帝爲三皇少昊高陽高辛唐虞爲五帝註號有熊者以其本是有熊國君之子故也都軒轅之丘因以爲名又以爲號又據左傳亦號帝鴻氏也。正義曰輿地志云涿鹿本名彭城黃帝初都遷有熊也按黃帝有熊國君乃少典國君之次子號曰有熊氏又曰縉雲氏又曰帝鴻氏亦曰帝軒氏母曰附寶之祁野見大電繞北斗樞星感而懷孕二十四月而生黃帝於壽丘壽丘在魯東門之北今在兗州曲阜縣東北六里生日角龍顏有景雲之瑞以土德王故曰黃帝封泰山禪亭亭在少典之子譙周曰有熊國君少典之子也皇甫謐年陰少典之子曰有熊今河南新鄭是也。索隱曰少典者諸侯國號非人名也又按國語云少典娶有蟠氏女而生炎帝然則炎帝亦少典之子炎黃二帝雖則承帝王代紀中間凡隔八帝五百餘年若以少典是其父名豈黃帝經五百餘年而始代炎帝後爲天子乎何其年之長也又按秦本紀云顓頊氏之裔孫曰女脩吞玄鳥之卵而生大業大業娶少典氏而生栢翳明少典是國號非人名也黃帝即少典氏後代之子孫賈逵亦以左傳高陽氏有才子八人亦謂其後代子孫而稱爲子是也譙周字允南蜀人魏散騎常侍徵不

拜此註所引者是其人所著古史考之說也皇甫謐字士安晉人號玄晏先生今所引者是其所作帝王世紀也姓

公孫名曰軒轅

索隱曰按皇甫謐云黃帝生於壽丘長

名又以爲號是本姓公

生而神靈弱而能言

索隱曰

孫長居姬水因改姓姬弱時也蓋未合能言之時而黃帝即言所以爲神異也潘岳

有哀弱子篇其子未七旬曰弱○正義曰言神異也易曰陰

陽不測之謂神書云人惟

幼而徇齊徐廣曰墨子曰年踰

萬物之靈故謂之神靈也斯丈未明今案徇齊疾速也言聖德幼而疾速也○索隱曰

聖齊謂聖德齊肅又按孔子家語及大戴禮並作叡齊一本

作慧齊叡慧皆智也太史公採大戴禮而爲此紀今彼丈無

作徇者史記舊本亦有作濬齊蓋古字假借徇爲濬濬深也

義亦並通爾雅齊速俱訓爲疾尚書大傳曰多聞而齊給鄭

註云齊疾也今裴氏註云徇亦訓疾未見所出或當讀徇爲

迅迅於爾雅與齊俱訓疾則迅濬雖異字而音同也又爾雅

曰宣徇徇也濬通也是通之與通義亦相近言黃帝幼而才

智周徇徇且辯給也故墨子亦云年踰五十則聰明心慮不徇

也

通矣俗本作十五非是按謂年
老踰五十不聰明何得云十五
長而躬敏成而聰明正義

曰成謂年二十冠成人也聰明聞見
明辯也此以上至軒轅皆大戴禮文
軒轅之時神農氏

世衰皇甫謐曰易稱庖犧氏沒神農氏作是為炎帝班固

後代子孫道德衰薄非指炎帝之身即班固所謂參虛皇甫
謐所云帝榆罔是也○正義曰帝王世紀云神農氏姜姓也

母曰任姁有嬌氏女登為少典妃遊華陽有神龍首感生炎
帝人身牛首長於姜水有聖德以火德王故號炎帝初都陳

又徙魯又曰魁隤氏又曰連山氏又曰列山氏括地志云厲
山在隨州隨縣北百里山東有石穴曰神農生於厲鄉所謂

列山氏也春秋時為厲國諸侯相侵伐暴虐百姓而神農氏弗

能征於是軒轅乃習用干戈呂征不享索隱曰謂

征諸侯之不朝享者本或作享亭訓直以征諸侯之不直者諸侯咸來賓從而蚩

尤最為暴莫能伐應劭曰蚩尤古天子墳曰孔子三

曰按此紀云諸侯相侵伐蚩尤最爲暴則蚩尤非爲天子也
又管子曰蚩尤受廬山之金而作五兵明非庶人蓋諸侯號
也劉向別錄云孔子見魯哀公問政比三朝退而爲此記故
曰三朝凡七篇並入大戴禮今此文見用兵篇也。正義曰
龍魚河圖云黃帝攝政有蚩尤兄弟八十一人並獸身人語
銅鐵額食沙造五兵仗刀戟大弩威振天下誅殺無道萬民
欽命黃帝行天子事黃帝以仁義不能禁止蚩尤乃仰天而
歎天遣玄女下授黃帝兵符伏蚩尤後天下復擾亂黃帝遂
畫蚩尤形像以威天下咸謂蚩尤不死八方皆爲殄滅山海
經云黃帝令應龍攻蚩尤蚩尤請風伯雨師以從大風雨黃
帝乃下天女曰魍魎以止雨雨止遂殺蚩尤孔安國曰九黎
君號蚩尤是也

諸侯咸歸軒轅軒轅乃修德振兵

正義曰振整也

治五

氣

王肅曰五行之氣。索隱曰謂春甲乙木氣夏丙丁火氣之屬是五氣也

藝五種

詩云藝樹也

之荏菽周禮曰穀宜五種鄭玄曰五種黍稷菽麥稻也。索
隱曰藝音藝藝種也樹也五種即五穀也音朱用反此註所
引見詩大雅生民之篇爾雅云荏菽戎也郭璞曰今之胡
豆鄭氏曰豆之大者是也。正義曰藝音魚曳反種音腫撫

萬民度四方

王肅曰度四方而安撫之正義曰度音徒洛反

教熊羆貔貅

羆虎

索隱曰書云如虎如貔爾雅云貔白狐禮曰前有摯獸則載貔貅是也爾雅又曰羆慢似狸此六者猛獸

類也

正義曰熊音雄羆音碑貔音毗貅音休羆音丑于反

教士卒習戰

以猛獸之名名之用威敵也按言

以與炎帝戰

於阪泉之野

服虔曰阪泉地名皇甫謐曰在上谷。正義曰阪音白板反括地志云阪泉今名黃帝泉

在媯州懷戎縣東五十六里出五里至涿鹿東北與涿水合又有涿鹿故城在媯州東南五十里本黃帝所都也晉太康

地里志云涿鹿城東一里有阪泉上有

黃帝祠按阪泉之野則平野之地也

三戰然後得其

志

正義曰謂黃帝克炎帝之後

蚩尤作亂不用帝命

正義曰言蚩尤不用黃帝

之命也

於是黃帝乃徵師諸侯與蚩尤戰於涿鹿

之野

服虔曰涿鹿山名在涿郡張晏曰涿鹿在上谷。索隱曰或作濁鹿古今字異耳按地理志上谷有涿鹿

縣然則服虔云

遂禽殺蚩尤

皇覽曰蚩尤冢在東平郡壽張縣闕鄉城中高七丈

民常十月祀之有赤氣出如匹絳帛民名爲蚩尤旗有髀冢在山陽郡鉅野縣重聚大小與闕冢等傳言黃帝與蚩尤戰於涿鹿之野黃帝殺之身體異處故別葬之○索隱曰按皇甫謐云黃帝使應龍殺蚩尤于凶黎之谷或曰黃帝斬蚩尤

于中冀因名其地曰絕轡之野皇覽書名也記先代冢墓之處宜皇王之省覽故曰皇覽是魏人王象縲襲等所撰也

而諸侯咸尊軒轅爲天子伐神農氏是爲黃帝

天下有不順者黃帝從而征之平者去之

正義曰平

服者即去也

披山通道

徐廣曰披他本亦作陂字蓋當爲披誠者旁其邊之謂也披語誠合今世然古

今不必同也○索隱曰披音如字謂披山林草木而行以通道也徐廣音披恐稍紆也

未嘗寧居東

至于海登丸山

徐廣曰丸一作凡駟案地理志曰丸山在郎耶朱虛縣○索隱曰丸音扶嚴反

○正義曰丸音相括地志云丸山即丹山在青州臨朐縣界朱虛故縣西北二十里丹水出焉凡音純守節括地志唯有

凡山蓋凡山九山是一山耳諸處字誤或九或凡也漢書郊祀志云禪九山顏師古云在朱虛亦與括地志相合明九山

是及岱宗正義曰泰山東岳也在兗州博城縣西北三十里也西至于空桐應劭

曰山名韋昭曰在隴右登雞頭索隱曰山名也後漢王孟塞雞頭道在隴西一曰崆峒山之別名。正義

曰括地志云空桐山在肅州祿福縣東南六十里抱朴子內篇云黃帝西見中黃子受九品之方過空桐從廣成子受自

然之經即此山括地志又云笄頭山一名崆峒山在原州平陽縣西百里禹貢涇水所出輿地志云或即雞頭山也酈元

云蓋大隴山異名也莊子云廣成子學道崆峒山黃帝問道於廣成子蓋在此按二處崆峒皆云黃帝登之未詳孰是

南至于江登熊湘封禪書曰南伐至于召陵登熊湘地

曰括地志云熊耳山在商州洛縣西十里齊桓公登之以望江漢也湘山一名編山在岳州巴陵縣南十八里也

逐葷粥匈奴傳曰唐虞以上有山戎獫狁葷粥居于北蠻

粥夏曰淳維殷曰鬼方周曰玁狁漢合符金山索隱曰合符契

五帝紀

主瑞而朝之於金山猶禹會諸侯於塗山然也又按郭子橫洞真記稱東方朔云東海大明之墟有金山山出瑞雲應王者之符命如堯時有赤雲之祥之類蓋黃帝黃雲之瑞故曰合符應於金山也。正義曰括地志云金山在嫺州懷戎縣

北三里山上有舜廟而邑于涿鹿之阿正義曰廣平曰阿涿鹿山名已見上涿鹿故城在山

下即黃帝所都之邑於山下平地遷徙往來無常處以師兵為營

衛正義曰環繞軍兵為營以自衛若轅門即其遺象官名皆以雲命為雲師

應劭曰黃帝受命有雲瑞故以雲紀事也春官為青雲夏官為縉雲秋官為白雲冬官為黑雲中官為黃雲張晏曰黃帝

有景雲之應因置左右大監監于萬國正義曰監上以名師與官監去聲下監

平聲若周邵分陝也萬國和而鬼神山川封禪與為多焉徐廣

曰多一作朋。索隱曰與音羊故反與猶許也言萬國和同而鬼神山川封禪祭祀之事自古以來帝皇之中推許黃帝

以為多多猶大也獲寶鼎迎日推策晉灼曰策數也迎數之也贊曰日月朔望未來

猶大也

而推之故曰迎日。索隱曰：封禪書曰：黃帝得寶鼎神策下云：於是推策迎日，則神策者神著也。黃帝得著以推筭歷數，於是逆知節氣，日辰之將來，故曰推策迎日也。正義曰：舉策音策，迎逆也。黃帝受神策，大撓造甲子，容成造曆，是也。

風后力牧常先大鴻

鄭玄曰：風后，黃帝三公也。班固曰：力牧，黃帝相也。正義曰：舉

任用四人，皆帝臣也。帝王世紀云：黃帝夢大風吹天下之塵垢皆去，又夢人執千鈞之弩，驅羊萬羣，帝寤而嘆曰：風為號令，執政者也。垢去土后在也。天下豈有姓風名后者哉？夫千鈞之弩，異力者也。驅羊數萬羣，能牧民為善者也。天下豈有姓力名牧者也？於是依二占而求之，得風后於海隅，登以為相，得力牧於大澤，進以為將。黃帝因著占夢經十一卷。藝文志云：風后兵法十三篇。圖三卷。孤虛二十卷。力牧兵法十五篇。鄭玄云：風后，黃帝之三公也。按黃帝仰天地，置列侯，眾官以風后配上台，天老配中台，五聖配下台，謂之三公也。封禪書云：鬼吏區號大鴻，黃帝大臣也。死葬并雍，故鴻冢是藝文志云：鬼容區，兵法三篇也。

以治民順天地之紀

正義曰：言黃帝順天地陰陽四時之紀也。

幽明之占

正義曰：幽陰明陽也。占數也。言陰陽五行，黃帝占數而知之。此文見大戴禮。

死生

之說

徐廣曰一云幽明之數合死生之說。正義曰存云

之難

索隱曰存云猶安危也易曰危者安其位云者保其

有說林說難也。正義曰難音乃憚反存云猶生死也黃帝

制衣服營殯葬萬民故免存云之難時播百穀草木

言順四時之所置而布種百穀草木也淳化鳥獸蟲蛾

有足曰蟲旁羅日月星辰水波土石金玉徐廣曰

沃。索隱曰旁非一方羅廣布也今按大戴禮作歷離離即

羅也言帝德旁羅日月星辰水波及至土石金玉謂日月揚

光海水不波山不藏玆皆是帝德廣被也。正義曰旁羅猶

遍布也日月陰陽時節也星二十八宿也辰日月所會也水

波瀾漪也言天不異災土無勞勤心方耳目節用水火

別害水少波浪山出珍寶

材物

正義曰節時節也水陂障決洩也火山山野禁放也材木也物事也言黃帝教民江湖陂澤山林原隰皆收

採禁捕以時用之有節令得其利也大戴禮云宰我問於孔子曰予聞榮伊曰黃帝三百年請問黃帝者人耶何以至三

百年孔子曰勞勩心力耳目節用水火林物生而民得其利百年死而民畏其神百年亡而民用其教百年故曰三百年

也有土德之瑞故號黃帝

索隱曰炎帝火黃帝土代之即黃龍地蟠見是也蟠

土精大五六圍長十餘丈蟠音引。正義曰蟠音以刃反

黃帝二十五子其得姓者

十四人

索隱曰舊解破四為三言得姓十三人耳今按國語胥臣云黃帝之子二十五宗其得姓者十四人

為十二姓姬酉祁已滕葢任荀偃姁嫫依是也唯青陽與夷鼓同已姓又云青陽與蒼林為姬姓上則十四人為十二姓

其文甚明唯姬姓再稱青陽與蒼林蓋國語文誤所以致令前儒共疑其姬姓青陽當為互囂是帝嚳祖本與黃帝同姬

姓其國語上文青陽即是少昊金天氏為已姓者耳既理在不疑無煩破四為三。正義曰偃音力其反姁其吉反嫫音

在宣反

黃帝居軒轅之丘

皇甫謐曰受國於有熊居軒轅之丘故因以為名又以為號山

海經曰在窮山之際西射之南張晏曰作軒冕之服故謂之軒轅而娶於西陵之女正義

曰西陵是為嫫祖徐廣曰祖一作俎嫫力追反。索隱曰

嫫祖為黃帝正妃索隱曰按黃帝立四妃象后妃四星

昌意次妃方雷氏女曰女節生青陽次妃彤魚氏女曰累祖生

一名蒼林次妃嫫母班在三人之下按國語夷鼓蒼林是二

人又按漢書古今人表彤魚氏生夷鼓嫫母生蒼林不得如謚所說生三子其後皆有天

下其二曰玄囂是為青陽太史公曰據大戴禮以累祖生昌意及玄囂玄囂即

青陽也皇甫謐以青陽為少昊乃方雷氏所生是其所見異

也。索隱曰玄囂帝謚之祖按皇甫謐及宋衷皆云玄囂青

陽即少昊也今此紀下云玄囂不得在帝位則太史公意青

陽非少昊明矣而此又云玄囂是為青陽當是誤也謂二人

皆黃帝子並列其名所以前史因誤以玄囂青陽為一人耳

宋衷又云玄囂青陽是為少昊繼黃帝立者而史不叙蓋少

昊金德王莽五運之次青陽降居江水正義曰括地志

故叙五帝不數之也

豫州新恩縣西南八十里應劭云古江國也地理志亦云安陽古江國也其二曰昌意降居

若水

索隱曰降下也言帝子為諸侯降居江水若水皆在蜀即所封國也水經曰水出旄牛徼外東南至

故關為若水南過邛都又東北至朱提縣為廬江水是蜀有此二水也

昌意娶蜀山氏女

曰昌僕生高陽高陽有聖德焉

正義曰華陽國志及十三州志云蜀

之先肇於人皇之際黃帝為子昌意娶蜀山氏後子孫因封焉帝顓頊高陽氏黃帝之孫昌意之子母曰昌僕亦謂之女

樞何圖云瑤光如蜺貫月正白感女樞於幽房之宮生顓頊首戴干戈有德文也黃帝崩曰在位

百年而崩年百一十一歲。索隱曰按大戴禮宰我問孔子曰榮伊言黃帝三百年請問黃帝何人也抑非人也何以至

三百年乎對曰生而人得其利百年死而人畏其神百年云而人用其教百年則士安之說略可憑矣。正義曰列仙傳

云軒轅自擇云日與羣臣辭還葬葬橋山崩棺空唯有劍舄在棺焉葬橋山皇覽曰皇帝冢

索隱曰地理志橋山在上郡同陽縣山有黃帝冢也。正義曰括地志云黃帝陵在寧州羅川縣東八十里子午山地理

志云上郡陽周縣橋山南有黃帝冢按陽其孫昌意之

子高陽立是爲帝顓頊也

帝顓頊高陽者皇甫謐曰都帝立今東郡濮陽是也。索隱曰宋衷云顓頊名高陽有天下號

也張晏曰高陽者所興地名也黃帝之孫昌意之子也靜淵以

有謀䟽通而知事養材以任地索隱曰言能養材物以任地大戴禮

作養載時以象天索隱曰載行也言行四時以象天大戴禮作履時以象天履亦踐而行也

依鬼神以制義索隱曰鬼神聰明正直當盡心敬事因制尊卑之義故禮曰降于祖廟之謂仁

義是也。正義曰鬼之靈者曰神也鬼神謂山川之神也治

氣以教化索隱曰謂理四時五行之氣以教化萬人也絜誠以祭祀北至

于幽陵正義曰幽州也南至于交趾正義曰趾音止交州也西至于流

沙

地理志曰流沙在張掖居延縣。正義曰濟渡也。括地志云居延海南甘州張掖縣東北千六十四里是。

東至

于蟠木

海外經曰東海中有山焉名曰度索上有大桃樹屈蟠三千里東北有門名曰鬼門萬鬼所聚也。天

帝使神人守之一名鬱壘主閱領萬鬼若害人之鬼以葦索縛之射以桃弧投虎食也。

動靜之物

曰動物謂鳥獸之類靜物謂草木之類。

小大之神

正義曰大謂五嶽四瀆小謂丘陵墳衍。

曰

月所昭莫不砥屬

王肅曰砥平也。四遠皆平而來服屬。索隱曰依王肅音止屬據大戴禮。

作砥礪也。

帝顓頊生子曰窮蟬

索隱曰系本作窮係宋衷云一云窮係謚也。正義

曰帝舜之高祖也。

顓頊崩

皇甫謐曰在位七十八年。年九十八皇覽曰顓頊家在東郡濮陽頓丘城門外。

廣陽里中頓丘者城門名頓丘道。索隱曰皇甫謐云據左氏歲在鶉火而崩葬東郡又山海經曰顓頊葬鮒魚山之陽。

九嬪葬其陰也。

而玄囂之孫高辛立是為帝嚳

帝嚳高辛者

張晏曰少昊之前天下之號象其德顓頊以來天下之號因其名高陽高辛皆所興。

之地名顓頊與嚳皆以字為號上古質故也。索隱曰宋衷曰高辛地名因以為號嚳名也皇甫謐云帝嚳名父也。正

義曰帝王紀云

嚳母無聞焉

黃帝之曾孫也高辛父曰蟜極

正義

曰蟜音居兆反本作橋音同又巨逆反帝堯之祖也

蟜極父曰玄囂玄囂父曰

黃帝自玄囂與蟜極皆不得在位至高辛即帝

位

皇甫謐曰都亳今河南偃師是

高辛於顓頊為族子高辛生而

神靈自言其名

正義曰帝王紀云帝嚳高辛姬姓也其母生見其神異自言其名曰契殷亂有

德年十五而佐顓頊三十登位都亳以人事紀官也

普施利物不於其身聰以

知遠明以察微順天之義知民之急仁而威惠

而信脩身而天下服取地之財而節用之撫教

萬民而利誨之曆日月而迎送之

正義曰言作歷弦望晦朔日月

未至而迎之過而送明鬼神而敬事之正義曰天神曰之上迎日推策是也

云聖人之精氣謂之鬼神神賢人之精氣謂之鬼言明識鬼神而敬事也其色郁郁其德嶷嶷

索隱曰郁郁猶穆穆也嶷嶷德高其動也時其服也士

也今案大戴禮郁作神嶷作侯索隱曰舉動應天時衣服服士服言其公且廉也帝嚳漑執中而徧天下徐廣

曰古既字作水旁偏字一作尹。索隱曰即尚書允執厥中是也。正義曰既音既言帝倍治民若水之漑灌平等而執

中正遍於天下也日月所照風雨所至莫不從服正義曰以

也帝嚳娶陳鋒氏女正義曰鋒音峯又作豐帝王紀云帝倍有四妃上其子皆有天下元

妃有邵氏女曰姜嫄生后稷次妃有娥氏女曰簡狄生高次妃陳豐氏女曰慶都生放勛次妃姬訾氏女曰常儀生帝摯

也生放勛正義曰放音方往反勳亦作勛音許云反言堯能放上代之功故曰放勛謚堯姓伊祁氏帝紀

云帝堯陶唐氏祁姓也娶姬訾氏女生摯索隱曰案皇甫謐云女名

常宜也。○正義曰：嫺，足須反，訾紫移反。**帝譽崩**，皇甫謐曰：在位七十年，年百五歲。皇覽曰：帝譽家在東郡。

濮陽頓丘城。**而執事代立帝，執立不善崩**。索隱曰：古本南臺陰野中。作不善音張。

慮反。俗本作不善，不善謂微弱不著，猶不著明。衛宏云：執立九年而唐侯德盛，因禪位焉。○正義曰：帝王紀云：帝執之母

於四人中，班最在下，而執於兄弟最長，得登帝位，封異母弟放勳為唐侯。擊在位九年，政微弱，而唐侯德盛，諸侯歸之。擊

服其義，乃率羣臣造唐而致禪。唐侯自知有天命，乃受帝禪，乃封擊於高辛，今定州唐縣也。**而弟放勳**

立是為帝堯

帝堯者。謐法曰：翼善傳聖曰堯。索隱曰：堯謐也。放勳名帝譽之子，姓伊祁氏。案皇甫謐云：堯初生時，其母

在三阿之南，寄於伊長孺之家，故從母所居為姓也。○正義曰：徐廣云：號陶唐帝。王紀云：堯都平陽，於詩為唐國。徐才宗

國都城記云：唐國帝堯之裔子所封，其北帝夏禹都。漢曰：太原郡在古冀州太行恒山之西，其南有晉水，括地志云：今晉

州所理平陽，故城是也。**放勳**。徐廣曰：號陶唐皇甫謐曰：堯平陽，河水一名晉水也。以甲申歲生，甲辰即帝位，甲

午徵舜甲寅舜代行天子事辛巳崩年百十八在位九十八年其仁如天索隱曰如天之涵養也其

知如神索隱曰如神之微妙也就之如日索隱曰如日之照臨人咸依就之若葵藿傾心

以向望之如雲索隱曰如雲之覆屋言德化廣大而浸潤生人人咸仰望之故曰如百穀之仰膏雨

也富而不驕貴而不舒索隱曰舒猶慢也黃收純

衣徐廣曰純一作絞駟案太古冠冕圖云夏名冕曰收禮記曰野夫黃冠鄭玄曰純衣士之祭服○索隱曰收冕名其

色黃故曰黃收象古形車乘白馬能明馴德徐廣曰質素也純讀曰緇馴古訓

字○索隱曰史記馴字徐廣皆讀曰訓訓順也言聖德能順人也案尚書作俊德孔安國云能明用俊德之士與此文意

別以親九族九族既睦便章百姓徐廣曰下云便程東作然則訓平為

便也駟案尚書並作平字孔安國曰百姓百官鄭玄曰百姓羣臣之父子兄弟○索隱曰古文尚書作平此文蓋讀平為

備耕反平既訓便因作便章其今文作辯章古平字亦百姓作便音婢緣反便則訓辯遂為辯章鄭誕生本亦同也

五帝紀

昭明合和萬國乃命羲和

孔安國曰重黎之後羲氏和氏世掌天地之官。正

義曰呂刑傳云重即羲和即和雖別為氏族而出自重黎也按聖人不獨治必須賢輔乃命相天地之官若周禮天官卿

地官敬順昊天

正義曰敬猶恭勤也元氣昊然廣大故云昊天釋天云春為蒼天夏為昊天秋為昊天冬為上天而獨言昊天者以

堯能敬天大故以昊大言之

數法日月星辰

正義曰曆數之

法日之甲乙月之大小昏明遞中之星日月所會之辰定其天數以為一歲之曆

敬授民時

曰尚

書作曆象日月則此言數法是訓曆象二字謂命羲和以曆數之法觀察日月星辰之早晚以敬授人時也。正義曰尚

書考靈耀云主春者張昏中可以種麥主冬者昂昏中可以收穀種黍菽主秋者虛昏中可以種麥主冬者昂昏中可以收穀

也天子視四星之中知民緩急故云敬授民時也

分命羲仲居郁夷曰暘谷

尚書作暘夷孔安國曰東表之地稱暘夷日出於暘谷羲仲治東方之官。索隱曰史記舊本作湯谷今並依尚書字案

淮南子曰日出湯谷浴於咸池則湯谷亦有他證明矣又下曰昧谷徐廣云一作柳柳亦日入處地名太史公博採經記

而為此史廣記異聞不必皆依尚書蓋郁夷亦地之別名也
○正義曰郁音隅陽或作陽禹貢青州云隅夷既略按隅夷
青州也堯命羲仲理東方青州隅夷之地日所出敬道日
處名曰陽明之谷羲仲主東方之官若周禮春官敬道日

出便程東作

孔安國曰敬道出日平均次序東作之事以
務農也。索隱曰劉伯莊傳皆依古史作平

秩音然尚書大傳曰辯秩東作則是訓秩為程言便課其作
程者也。正義曰道音導便程並如字後同導訓也三春主
東故言日出耕作在春故言東作命義
仲恭勤道訓萬民東作之事使有程期
日中星鳥以昴

中春

孔安國曰日中謂春分之日也鳥南方朱鳥七宿也
昴正也春分之昏鳥星畢見以正仲春之氣節轉以

推孟季則可知也。正義
曰下中音仲夏秋冬並同

其民析鳥獸字微

孔安國曰
春事既起

丁壯就功言其民老壯分析也乳化曰
字尚書微作尾字說文云尾交接也

申命羲叔居南

交

孔安國曰夏與春交此治南方之官也。索隱曰孔註未
是然則冬與秋交何故下無其文且東嶠東西昧谷北幽

都三方皆言地而夏獨不言地乃云與春交斯不例之甚也
然南方地有名交趾者或古文略舉一字名地南交則是交

止不疑也。正義曰：義叔主便程南，譌敬致。孔安國曰：南方官若周禮夏官卿也。

序分南方化育之事，敬行其教以致其功也。索隱曰：為依字讀。春言東作，夏言南為，皆是耕作營為勸農之事。孔安國強讀為訛字，雖則訓化解釋亦甚紆回也。正義曰：為日永，音于偽反，命義叔宜恭勤民事，致其種殖，使有程期也。

星火以正中夏。孔安國曰：永長也。謂夏至之日，火蒼龍之中星舉，中則七星見，可知也。以正中

夏之節，馬融王肅謂日長晝漏六十刻。鄭玄曰：五十五刻。其民因鳥獸希革。孔安國曰：因謂

老弱因就在田之丁壯以助農也。夏申命和仲居西土。時鳥獸毛羽希少，改易也。革改也。

徐廣曰：一無土字，以為西者。今天水之西，縣也。曰昧谷。徐駟案鄭玄曰：西者隴西之西，今人謂之允山。

曰一作柳谷。駟案孔安國曰：日入于谷，而天下冥，故曰昧谷。此居治西方之官，掌秋天之政也。正義曰：和仲主西方之

官，若周禮秋官卿也。敬道日入，便程西成。孔安國曰：秋西夜中，方萬物成也。

星虛以正中秋。孔安國曰：春言日秋言夜，互相備也。虛玄武之中星，亦言七星皆以秋分日見。

以正三秋也。○索隱曰：虛舊依字讀而鄒。其民夷易鳥

獸毛毳

孔安國曰：夷平也。老壯者在田與夏平也。毳理也。毛更生曰毳理。

申命和叔居

北方曰幽都

孔安國曰：北稱幽都，謂所聚也。○索隱曰：案山海經曰：北海之內有山名幽都，蓋是也。

正義曰：按北方幽州陰聚之也。命和叔居理之。北方之官若周禮冬官卿。

便在伏物

索隱曰：使和叔察北

方藏伏之物，謂人畜積聚等冬皆藏伏。尸子亦曰：北方者，伏方也。尚書作平，在朝易今案大傳云：便在伏物。太史公據之。

而日短星昴以正中冬

孔安國曰：日短冬至之日也。昴白虎之中星，亦以七星並見以

正冬節也。馬融王肅謂日短晝漏四十刻。鄭玄曰：四十五刻非。

其民燠鳥獸毼毛

徐廣

曰：毼音茸。駟案孔安國曰：民入室處鳥獸皆生。毼毼細毛以自溫也。

歲三百六十六日以

閏月正四時

索隱曰：夫周天三百六十五度四分度之一，是天道數也。而日行遲一歲一周天月行疾

一月一周天日一日行一度月一日行十三度十九分度之七至二十九日半彊月行天一匝又逐及日而與會一年十

二會是為十二月每月二十九日過半年分出小月六日是每歲餘六日又大歲三百六十六日小歲三百六十五日舉全數云六十六日其實一歲唯餘十一日弱未滿三歲已成一月則置閏若三年不置閏則正月為二月九年差三月則以春為夏十七年差六月則四時皆反以此四時不正歲不成矣故傳曰歸餘於終事則不悖是也

信飭

徐廣

曰古勅字**百官衆功皆興堯曰誰可順此事**

正義曰言將登用之

也**放齊曰嗣子丹朱開明**

孔安國曰放齊臣名○正義曰放音方往反鄭

云云帝堯胤嗣之子名曰丹朱開明也按開解而達也帝王紀云堯娶散宜氏女曰女皇生丹朱級家紀年云后稷放帝子丹朱范汪荊州記云丹水縣在丹川堯子朱之所封也括地志云丹朱故城在鄧州內鄉縣西南百三十里丹朱故為縣**堯曰吁頑凶不用**

左傳云口不道忠信之言為嚚心

不則德義之經為頑凶訟也言丹朱心既頑嚚又好爭訟不可用之

堯又曰誰可者謹堯

曰共工愛聚布功可用

孔安國曰謹堯臣名鄭玄曰共工水官名○正義曰堯音斗侯

反堯曰共工善言其用僻似恭漫天不可

正義曰漫音莫

干反共工善爲言語用意邪僻也似於恭敬罪惡漫天不可用也

堯又曰嗟四嶽

鄭玄曰四

嶽四時官主方嶽之事。正義曰嗟嘆鴻水問四嶽誰能理也。孔安國云四嶽即上義和四子也。分掌四嶽之諸侯故稱

焉。湯湯洪水滔天浩浩懷山襄陵

孔安國曰懷包襄上也。正義

曰湯音商今讀如字蕩蕩廣平之貌言水奔突有所滌除地上之物爲水漂流蕩蕩然按懷藏包裹之義故懷爲包釋言

以襄爲駕駕乘牛馬皆在上也言水襄上乘陵浩浩盛大勢若漫天

下民其憂有能使

治者皆曰鯀可

馬融曰鯀臣名禹父

堯曰鯀負命毀族不

可。正義曰負音佩依字通負違也族類也鯀性很戾可違負敎命毀敗善類不可用也。詩云貪人敗類也。

嶽曰

異哉試不可用而已

正義曰異音異孔安國云異已也退也言餘人盡已唯鯀可試無成

乃堯於是聽嶽用鯀九歲功用不成

正義曰爾雅釋天云載歲

也夏曰祀周曰年唐虞曰載李巡云各自紀事不相襲也孫炎云歲取星行一次也祀取四時祭祀一訖也年取年穀一熟也載取萬物始更終也載者年之別名故以載為年也按功用不成水害不息故放退也至明年得舜乃極之羽山而用其子

堯曰嗟四嶽朕在位七十載汝能庸命踐

朕位

鄭玄曰言汝諸侯之中有能順事用天命者入處我位統治天子之事者乎。正義曰孔安國云堯年十六以

唐侯升為天子在位七十載時八十六老將求代也

嶽應曰鄙德忝帝位

正義曰四

嶽皆云鄙俚無德若便行天子事是辱帝位言已等不堪也

堯曰悉舉貴戚及疏遠

隱匿者眾比於堯曰有矜在民間曰虞舜

孔安國曰

無妻曰矜。正義曰矜古頑反

堯曰然朕聞之其何如嶽曰盲者

子父頑母嚚弟傲能和以孝蒸蒸治不至茲

正義

曰丞之升反進也言父頑母嚚弟傲舜皆和以孝進之於善不至於茲惡也

堯曰吾其試哉

正義曰欲以二女試正義曰妻音七於是堯妻之二女計反二女娥皇

女英也娥皇無子女英生商均正義曰觀其德於二女視其為

舜升天子娥皇為后女英為妃德行於二女以舜飭下二女於嫫孔安國曰舜所居

理家而觀國也嫫水之汭。索隱曰列女傳云二女長曰娥皇次曰女英系本作女瑩大戴禮作

女匭皇甫謐云嫫水在河東虞縣歷山西汭水涯也猶洛汭

渭汭然也。正義曰飭音勅下音胡亞反汭音芮舜能整齊

二女以義理下二女之心於嫫汭使行婦道於虞氏也括地

志云嫫源汭水出蒲州河東南山許慎云水涯曰汭按地記

云何東郡青山東山中有二泉下南流者嫫水北流者汭水

二水異泉合流出谷西注何嫫水北曰汭也又云河東縣二

里故蒲坂城舜所都也城中有舜廟城外有舜宅入二妃壇

如婦禮堯善之乃使舜慎和五典鄭立曰五典五

職徒之五典能從乃徧入百官百官時序賓於四門

四門穆穆諸侯遠方賓客皆敬馬融曰四門四方

五帝紀

者舜賓迎之皆有美德也

堯使舜入山林川澤暴風雷雨舜行

不迷

索隱曰尚書云納于大麓穀梁傳云林屬於山曰麓是山足曰麓故此以為入山林不迷孔氏以麓訓錄

言今舜大錄萬機之政與此不同

堯以為聖召舜曰女謀事至而

言可績三年矣

鄭玄曰三年者賓四門之後三年也

女登帝位舜讓

於德不懌

徐廣曰音亦今文尚書作不怡怡懌也。索隱曰古文作不嗣今文作不怡怡即懌也。謂辭讓

於德不堪所以心意不悅懌也俗本作澤誤爾亦當為懌

正月上日

馬融曰上日朔日也。正義曰鄭玄

云帝王易代莫不改正建朔舜正建子此時未改故依堯正月上日也

舜受終於文祖文

祖者堯大祖也

鄭玄曰文祖者五府之大名猶周之明堂。索隱曰尚書帝命駿曰五府五帝

之廟蒼曰靈府赤曰文祖黃曰祖計白曰顯紀黑曰玄矩唐虞謂之五府夏謂世室殷謂重屋周謂明堂皆祀五帝之所

也。正義曰舜受堯終帝之事於文祖也尚書帝命駿云帝者承天立府以尊天重象也五府者黃曰神斗注云唐虞謂

之天府夏謂之正室勢謂之重室周謂之明堂皆祀五帝之所也文祖者赤帝燔怒之府名曰文祖火精光明文章之祖故謂之文祖周曰明堂神斗者黃帝含樞紐之府名曰神斗斗主也土精澄靜四行之主故謂之神斗周曰太室顯紀者白帝招拒之府名顯紀紀法也金精斷割萬物故謂之顯紀周曰總章玄矩者黑帝光紀之府名曰玄矩矩法也水精玄昧能權輕重故謂之玄矩周曰玄堂靈府於是帝堯老

命舜攝行天子之政以觀天命舜乃在璿璣玉

衡以齊七政鄭玄曰璿璣玉衡渾天儀也七政日月五星也正義曰說文云璿赤玉也按舜雖受堯

命猶不自安更以璿璣玉衡以正天文璣為運轉衡為橫蕭運璣使動於下以衡望之是王者正天文器也觀其齊與不齊今七政齊則已受禪為是蔡邕云玉衡長八尺孔徑一寸下端望之以視星宿並縣璣以象天而以衡望之轉璣窺衡以知星宿璣徑八尺圓周二尺五寸而強也鄭玄云運轉者為璣持正者為衡尚書大傳云政者齊中也謂春秋冬夏天文地理人道所以為政也道正遂類於上帝鄭玄曰禮祭上帝於

圓丘。正義曰五經異義云非時祭天謂之類言以事類告也時舜告攝非常祭也王制云天子將出類于上帝鄭玄云昊天上帝謂天皇。禋于六宗。鄭玄曰六宗星辰司中司大帝北辰之星。

義衆矣愚謂鄭說爲長。正義曰周語云精意以享曰禋也孫炎云禋絜敬之祭也按星五星緯也辰日月所會十二次也司中司命文昌第五第四星也風師箕星也雨師畢星也孔安國云四時寒暑也日月星也水旱也禮祭法云埋少牢於大昭祭時也禋祈於坎壇祭寒暑也王宮祭日也夜明祭月也幽祭祭星雩祭祭水旱也司馬彪續漢書云安帝立六宗祀於洛陽城西北亥地禮比大社魏因之至晉初荀顗言新祀以六宗之神諸家說不同乃廢之也。望于

山川

正義曰望者遙望而祭山川也山川五嶽四瀆也爾雅云梁山晉望也。辯於羣神。徐

曰辯音班駟案鄭玄曰羣神若丘陵。揖五瑞擇吉日。墳衍。正義曰辯音遍謂祭羣神也。揖五瑞擇吉日。

見四嶽諸牧班瑞

馬融曰揖歛也五瑞公侯伯子男所執以爲瑞信也堯將禪舜使羣牧斂

之使舜親往班之。正義曰揖音集周禮典瑞云王執鎮圭尺二寸公執桓圭九寸侯執信圭七寸伯執躬圭五寸子執

穀壁男執蒲壁皆五寸言五端者王不在中也孔文祥云宋末會稽修禹廟於廟庭山土中得五等圭璧百餘枚形與周禮同皆短小此即禹會諸侯於會稽執以禮山神而埋之其壁今猶有在也

歲二月東巡狩

至於岱宗柴

馬融曰舜受終後五年之二月鄭玄曰建卯之月也柴祭東嶽者考績柴燎也○正義曰

按既班瑞羣后即東巡者守土之諸侯會岱宗之嶽焚柴告至也王者巡狩以諸侯自專一國威福任已恐其擁遏上命澤不下流故巡行問人疾苦也風俗通云太山之尊者一曰岱宗始也長也萬物之始陰陽交代故為五岳之長也按二月仲月也仲中望秩於山川正義曰乃以秩望祭東方也言得其中也望秩於山川諸侯境內之名山大川也言秩者五岳視三公四瀆視諸侯

遂見東方君長合時月正日

鄭玄曰協

正四時之月數及日名備有失誤○正義曰既見東方君長乃合同四時氣節月之大小日之甲乙使齊一也周禮太史掌正歲年以序事頒正朔於邦國則節氣晦朔皆天子頒之猶恐諸侯國異或不齊同因巡狩合正之

同律

度量衡

鄭玄曰同陰律度量丈尺量斗斛衡斤兩也○正義曰律之十二律度之丈尺量之斗斛衡之斤兩皆

使天下相同無制度長短輕重異也漢律志云虞書云同律度量衡所以齊遠近立民信也律有十二陽六爲律陰六爲呂律以統氣類物一曰黃鍾二曰太簇三曰姑洗四曰蕤賓五曰夷則六曰無射呂以旅陽宣氣一曰林鍾二曰南呂三曰應鍾四曰大呂五曰夾鍾六曰中呂度者分寸尺丈引也所以度長短也本起黃鍾之管長以子穀拒黍中者一黍爲一分十分爲一寸十寸爲尺十尺爲丈十丈爲引而五度審矣量者龠合升斗斛也所以量多少也本起黃鍾之龠以子穀拒黍中者千有二百實爲一龠十龠爲合十合爲升十升爲斗十斗爲斛而五量嘉矣衡權者銖兩斤鈞石也所以秤物輕重也本起於黃鍾之一龠容千二百黍重十二銖二十四銖爲兩十六兩爲斤三十斤爲鈞四鈞爲石而五權謹矣衡平也

脩五禮

馬融曰吉凶賓軍嘉也。正義曰周禮以吉禮事邦國之鬼神祇以凶禮哀邦國之

憂以賓禮親邦國以軍禮同邦國以嘉禮親萬民也尚書堯典云類于上帝吉禮也如喪考妣凶禮也羣后四朝賓禮也大禹謨云汝徂征軍禮也堯典五玉鄭玄曰即五瑞也執云女于時嘉禮也女音女慮反

五玉

鄭玄曰即五瑞也執

三帛

馬融曰三孤所執也鄭玄曰帛所以薦玉也必三者高陽氏後用赤纁高辛氏後用黑纁其餘諸侯皆用

白繒。正義曰孔安國云諸侯世子執纁公之孤執玄附庸之君執黃也。按三統紀推伏羲為天統色尚赤神農為地統色尚黑黃帝為人統色尚白少昊黃帝子亦尚白。故高陽氏又天統亦尚赤堯為人統故用白。二生正義曰羔

鴈也。鄭玄注周禮太宗伯云羔小羊也取其羣不失其類也。鴈取其候時而行也。卿執羔大夫執鴈按羔鴈性馴可生為

贄一死正義曰雉也馬融云一死雉士所執也按不為執

馬融曰贄二生羔鴈卿大夫所執一死雉士所執。正義曰摯音至贄執也鄭玄云贄之言至所以自致也韋昭云贄六

贄皮帛卿執羔大夫執鴈士執雉庶人執鹿工商執雞也。如五器卒乃復馬融曰五

五玉禮終則還之三帛已下不還也。正義卒音子律反復音伏。五月南巡狩八月西

巡狩十一月北巡狩皆如初歸至于祖禰廟正義

曰禰音乃禮反何休云生曰父死曰考廟曰禰用特牛禮五歲一巡狩羣后

四朝鄭玄曰巡狩之年諸侯見於方嶽之下徧告以言

正義曰偏音遍言遍明試以功車服以庸正義曰孔安國云功成則

錫車服以表肇十有二州決川馬融曰禹平水土置九州舜以冀州之北廣大

顯其能用也分置并州燕齊遼遠分燕置幽州分齊為營州於是為十二州也鄭玄曰更為之定界潛水害也象以典

刑馬融曰言咎繇制五常之刑無犯之者但有其象無其人

流宥五刑馬融曰流放宥寬也一曰幼少二曰老耄三曰

以流放之法寬五刑也鄭玄云三宥一曰弗識二曰過失三曰遺忘也鞭作官刑馬融曰為

者為扑作教刑鄭玄曰扑擯楚也金作贖刑馬融曰金

善功惡使出金贖眚裁過赦鄭玄曰眚裁為人作患害

罪坐不戒慎者怙終徐廣曰一作衆賊刑鄭玄曰怙其姦邪終身欽哉欽哉

惟刑之靜哉徐廣曰今文云惟刑之謐哉爾雅曰謐靜也

誦卹謚聲近

謹堯進言共工

正義曰謹堯渾沌也共工窮奇也鯀禱机也三苗驩食

殄也左傳云舜臣堯流四凶投諸四裔以禦魑魅也

堯曰不可而試之工師

正義

曰工師若今大匠卿也

共工果淫辟

正義反亦反

四嶽舉鯀治鴻

水堯以為不可嶽彊請試之試之而無功故百

姓不便三苗

馬融曰國名也。正義曰左傳云自古諸侯不用王命虞有三苗夏有觀扈孔安國云縉

雲氏之後為諸侯號號食殄也吳起云三苗之國左洞庭而右彭蠡按洞庭湖名在岳州巴陵西南一里南與青草湖連彭

蠡湖名在江州潯陽縣東南五十二里以天子在北故洞庭在西為左彭蠡在東為右今江州鄂州岳州三苗之地也

在江淮荊州

正義曰淮讀曰匯音胡罪反今彭蠡湖也本屬荊州尚書云南入于江東匯澤為彭蠡是

也數為亂於是舜歸而言於帝請流共工于幽

陵

馬融曰北裔也。正義曰尚書及大戴禮皆作幽州括地志云故冀城在檀州燕樂縣界故老傳云舜流共工幽州

居此城神異經云西北荒有人焉人面朱髯以變北狄徐

蛇身人手足而食五穀禽獸頑愚名曰共工以變北狄徐

曰變一作變。索隱曰變謂變其形及衣服同於夷狄也徐

廣云作變變和也。正義曰言四凶流四裔各於四夷放共

工等為中國放驩兜於崇山馬融曰南裔也。正義曰

之風俗也。馬融曰西裔也。正義曰括地志云

焉人面鳥喙而有翼而手足扶翼而行食海中魚以變南

蠻遷三苗於三危三危山有峯故曰三危俗亦名卑羽

山在沙州鄯煌縣東南三十里神異經云西荒中有人焉面

目手足皆人形而脰下有翼不能飛為人饕餮淫逸無理名

曰苗民又山海經云大荒北經黑以變西戎極鯀於羽

水之北有人有翼名曰苗民也。正義曰極音紀力反孔安

山馬融曰極誅也羽山東裔也。正義曰極音紀力反孔安

國云極竄放流皆誅也括地志云羽山在沂州臨沂縣界

神異經云東方有人焉人形而身多毛自解水以變東夷

土知通塞為人自用欲為欲息皆曰云是鯀也以變東夷

四皐而天下咸服堯立七十年得舜二十年而

老令舜攝行天子之政薦之於天堯辟位凡二

十八年而崩

徐廣曰堯在位凡九十八年駟案皇覽曰堯冢在濟陰城陽劉向曰堯葬濟陰丘壠山呂

氏春秋曰堯葬穀林皇甫謐曰穀林即城陽堯都平陽於詩為唐國。正義曰皇甫謐云堯即位九十八年通舜攝二十

八年也凡年百一十七歲孔安國云堯壽百一十六歲括地志云堯陵在濮州雷澤縣西三里郭生述征記云城陽縣東

有堯冢亦曰堯陵有碑是也括地志云雷澤縣本漢郛陽縣也百姓悲哀如喪父母三

年四方莫舉樂

正義曰尚書三載四海遏密八音是也

以思堯堯知子

丹朱之不肖

索隱曰鄭玄曰肖似也不似言不如人也皇甫謐云堯娶散宜氏之女曰女皇生丹朱又

有庶子九人皆不肖也

不足授天下於是乃權授舜

索隱曰父子繼立常

道也求賢而禪權道也權者反常而合道。授舜則天下正義曰五帝官天下老則禪賢故權試舜也

得其利而丹朱病授丹朱則天下病而丹朱得

其利堯曰終不以天下之病而利一人而卒授

舜以天下堯崩三年之喪畢舜讓辟丹朱於南

河之南

劉熙曰南河九河之最在南者。正義曰括地志云故堯城在濮州鄆城縣東北十五里竹書云昔

堯德衰爲舜所囚也。又有偃朱故城在縣西北十五里竹書云舜囚堯復偃塞丹朱使不與父相見也。按濮州北臨濮大川也。河在堯都之南。故曰南河。禹貢至于南河是也。其偃朱城所居即舜讓避丹朱於河南之南處也。

諸侯

朝覲者不之丹朱而之舜獄訟者不之丹朱而

之舜謳歌者不謳歌丹朱而謳歌舜舜曰天也

夫而後之中國踐天子位焉

劉熙曰天子之位不可曠年於是遂反格于文

祖而當帝位帝王所都爲中故曰中國

是爲帝舜

虞舜者

謚法曰仁聖盛明曰舜。索隱曰虞國名在何東太陽縣舜謚也。皇甫謚云舜字都君也。正義曰

括地志云故虞城在陝州河北縣東北五十里虞山之上鄠元注水經云幹橋東北有虞城堯以女嬪于虞之地也又宋州虞城大襄國所封之邑杜預云舜後諸侯也又越州餘姚縣顧野王云舜後支庶所封之地舜姚姓故云餘姚縣西七十里有漢上虞故縣會稽舊記云舜上虞人去虞三十里有姚丘即舜所生也周處風土記云舜東夷之人生姚丘括地志又云姚墟在濮州雷澤縣東十三里孝名曰重華徐經援神契云舜生於姚墟按二所未詳也

名曰重華

徐廣

曰皇甫謐云舜以堯之二十一年甲子生二十一年甲午崩用七十九年壬午即真百歲癸卯崩。正義曰尚書云重華叶於帝孔安國云華謂文德也言其光又重合合於堯瞽叟姓焉妻曰握登見大虹意感而生舜於姚墟故姓姚目重童子故曰重華字都君龍顏大口黑色身長六尺一寸

重華父曰瞽叟

正義曰先右反孔安國云

無目曰瞽舜父有目不能分別好惡故瞽叟父曰橋牛時人謂之瞽配字曰叟叟無目之稱也

瞽叟父曰橋牛

正義曰橋又音嬌

橋牛父曰句望

正義曰古侯反望音亡

句望父曰敬

康敬康父曰窮蟬窮蟬父曰帝顓頊顓頊父曰

昌意以至舜七世矣自從窮蟬以至帝舜皆微

為庶人舜父瞽叟盲而舜母死

索隱曰皇甫謐云舜母名握登生舜

於姚墟因姓姚氏也

瞽叟更娶妻而生象象傲瞽叟愛後

妻子常欲殺舜舜避逃及有小過則受罪順事

父及後母與弟日以篤謹匪有懈舜冀州之人

也

正義曰蒲州河東縣本屬冀州宋永初山川記云蒲坂城中有舜廟城外有舜宅及二妃壇括地志云媯州有媯水

源出城中耆舊傳云即舜釐降二女於媯汭之所外城中有舜井城城北有歷山山上有舜廟未詳按媯州亦冀州城是

也舜耕歷山

鄭玄曰在河東。正義曰括地志云蒲州河東縣雷首山一名中條山亦名歷山亦名首

陽山亦名蒲山亦名襄山亦名甘棗山亦名猪山亦名狗頭

山亦名薄山亦名吳山此山西起雷首山東至吳坂凡十二名隨州縣分之歷山南有舜井又云越州餘姚縣有歷山舜井濮州雷澤縣有歷山舜井二所又有姚墟云生舜處也及

鳩州歷山舜井皆云
舜所耕處未詳也

漁雷澤

鄭玄曰雷夏兖州澤今屬濟陰。正義曰括地志云雷夏

澤在濮州雷澤縣郭外西北山海經云

陶河濱

皇用諡曰濟陰定陶

雷澤有雷神龍首人類鼓其腹則雷也

西南陶丘亭是也。正義曰按於曹州濱河作瓦器也括地志云陶城在蒲州河東縣北三十里即舜所都也南去歷山

作什器於壽丘

皇用諡曰在魯

不遠或陶所在則可何必定陶

方得為舜陶之陶也斯或一焉

東門之北。索隱曰什器什數也蓋人家常用之器非一故以十為數猶今云什物也壽丘地名黃帝生處。正義曰壽

音受顏師古云軍法伍人為伍二伍為什則共器物故為生之具為什器亦猶從軍及作役者十人為火共畜調度也

就時於負夏

鄭玄曰負夏衛地。索隱曰就時猶逐時若言乘時射利也尚書大傳曰販於頓丘

就時負夏孟子曰遷於負夏是也

舜父瞽叟頑母嚚弟象傲皆欲

殺舜舜順適不失子道兄弟孝慈欲殺不可得

即求嘗在側舜年二十以孝聞三十而帝堯問

可用者

正義曰可用謂可為天子也

四嶽咸薦虞舜曰可於是

堯乃以二女妻舜以觀其內使九男與處以觀

其外舜居媯汭內行彌謹堯二女不敢以貴驕

事舜親戚

正義曰二女不敢以帝女驕慢舜之親戚親戚謂父瞽叟後母弟象妹齔手等也齔音古果反

甚有婦道堯九男皆益焉

正義曰篤惇也非唯二女恭勤婦道九男事舜皆益

惇厚謹敬也

舜耕歷山歷山之人皆讓畔

正義曰韓子曆云農相侵略舜

往耕暮年耕者讓畔也

漁雷澤雷澤上人皆讓居陶河濱河

濱器皆不苦窳

史記音隱曰音游甫反駟謂窳病也。正義曰苦讀如監音古監廉麤也窳音庚

一年而所居成聚

正義曰聚在喻反聚謂村落也

二年成邑三年

成都

正義曰周禮郊野法云九夫為井四井為邑四邑為丘四丘為甸四甸為縣四縣為都也

堯乃

賜舜絺衣

正義曰絺勑遲反細葛布衣也鄒氏音竹几反

與琴爲築倉廩

予牛羊瞽叟尚復欲殺之使舜上塗廩瞽叟從

下縱火焚廩舜乃以兩笠自扞而下去得不死

索隱曰言以笠自扞已身有似鳥張翅而輕下得不損傷皇甫謐云兩織織笠類列女傳云二女教舜鳥工上廩是也。

正義曰通史云瞽叟使舜滌廩舜告堯二女女曰後瞽叟時其焚汝鵲汝衣裳鳥工往舜既登廩得免去也

又使舜穿井舜穿井爲匿空旁出

劉熙曰舜以權謀自免亦大聖

有神人之助也。索隱曰空音孔列女傳所謂龍工入井是也。正義曰言舜僭匿穿孔旁從他井而出也通史云舜穿

井又告二女二女曰去汝裳衣龍工往入井瞽叟與象下土實井舜從他井出去也括地志云舜井在鵠州懷戎縣西外

城中其西又有一井耆舊傳云並舜井也舜自中出帝王紀云河東有舜井未詳也

舜既入深瞽

叟與象共下土實井

索隱曰亦作填井

舜從匿空出去

瞽叟象喜以舜為已死象曰本謀者象象與其

父母分

正義扶問反

於是曰舜妻堯二女與琴象取之

牛羊倉廩予父母象乃止舜宮居

正義曰宮即室也爾雅云室謂

之宮禮云命士已上父子異宮也

鼓其琴舜往見之象鄂不懌曰

我思舜正鬱鬱陶舜曰然爾其庶矣

索隱曰言汝猶當庶幾於友悌

之情義也如孟子取尚書文又云惟茲臣庶女其于子治益欲令象共我理臣庶也

舜復事瞽叟

愛弟彌謹於是堯乃試舜五典百官皆治昔高

陽氏有才子八人

名見左傳

世得其利謂之八愷

賈逵

曰愷和也。索隱曰左傳史克對季文子曰昔高陽氏有才子八人倉舒賁咼熹戴大臨尾降庭堅仲容叔達

高辛

氏有才子八人

名見左傳

世謂之八元

賈逵曰元善也。索隱曰左傳高辛

高辛

氏有才子八人伯奮仲堪叔獻季仲伯虎仲熊叔豹季狸此十六族者世濟其美

索隱曰謂元愷各有親族故稱族也濟成也言後代成前代也

未能舉舜舉八愷使主后土王肅曰君治九土之宜杜預曰后土地也。索

隱曰禹為司空司空主土則禹在八愷之中。正義曰春秋正義云后君也天曰皇天地曰后土

事莫不時序正義曰言禹度九土之宜無不以時得其次序也舉八元使布

五教于四方索隱曰契為司徒司徒敷五教則契在八元之數父義母慈兄

友弟恭子孝內平外成正義曰杜預云內諸夏外夷秋也按契作五常之教諸夏

太平夷狄向化也昔帝鴻氏有不才子賈逵曰帝鴻黃帝也

也掩義隱賊好行凶慝天下謂之渾沌正義曰慝惡也一本

云天下之民謂之渾沌渾沌即謹兜也言掩義事陰為賊害而好凶惡故謂之渾沌也杜預云渾沌不開通之兒神異經

云崑崙西有獸焉其狀如犬長毛四足似羆而無爪有目而不見行不開有兩耳而不聞有人知往有腹無五臟有腹直短食徑過人有德行而往抵角有凶惡而行依憑之名渾沌又莊子云南海之帝為儻忽中央之帝為渾沌儻忽時相遇於渾沌之地渾沌待之甚善儻忽謀欲報渾沌之德曰人皆有七竅以視聽食息此獨無有嘗試鑿之曰鑿一竅七日而渾沌死按言謹

少皞氏

服虔曰金天氏帝號

有不才子毀信

惡忠崇飾惡言天下謂之窮奇

服虔曰謂共工氏也其行窮而好奇

。正義曰謂共工言毀敗信行惡其忠直有惡言語高粉飾之故謂之窮奇按常行終必窮極好諂諛奇異於人也神異經云西北有獸其狀似虎有翼能飛便勦食人知人言語聞人鬪輒食直者聞人忠信輒食其鼻聞人惡逆不善輒殺獸往饋之名曰窮奇按言

顓頊氏有不才子不可教訓

不知話言天下謂之檮杌

賈逵曰檮杌頑凶無疇匹之貌謂鯀也。正義曰檮

音道刀反杌音五骨反謂鯀也凶頑不可教訓不從詔令故謂之檮杌按言無疇疇疇言自從恣也神異經云西方荒中有

獸焉其狀如虎而大毛長二尺人面虎足猪口牙尾長一丈八尺攬亂荒中名禱机一名傲很一名難訓按言鯀性似故號之此三族世憂之至于堯堯未能去縉雲氏

賈逵曰縉雲氏姜姓也炎帝之苗裔當黃帝時在縉雲之官也。正義曰今括州縉雲縣蓋其所封也書云縉赤縉也

有不才子

正義曰此以上四處皆左傳文或本有並文次相類四凶故書之恐本錯脫耳謂三苗也言貪

飲食冒貨賄故謂之饕餮饕餮神異經云西南有人焉身多毛上頭戴豕性很惡好息積財而不用善奪人穀物強者畏羣而

單名饕餮言三苗性似故號之貪於飲食冒于貨賄天下謂之饕餮

餐天下惡之比之三凶

杜預曰非帝子孫故舜賓

於四門

正義曰杜預云闕四門達四聰以賓眾賢之也

乃流四凶族遷于四

裔

賈逵曰四裔之地去王城四千里

以御螭魅

服虔曰螭魅人面獸身四足好惑人山林異氣所生

以為人害。正義曰御音魚吕反螭音丑知反魅音媚按御魑魅恐更有邪詔之人故流放四凶以禦之也故下云無凶

也人於是四門辟言毋凶人也舜入于大麓烈風

雷雨不迷堯乃知舜之足授天下堯老使舜攝

行天子政巡狩舜得舉用事二十年而堯使攝

政攝政八年而堯崩三年喪畢讓丹朱天下歸

舜而禹臯陶契后稷伯夷夔龍垂益彭祖索隱曰彭祖即陸終氏之第三子錢鏗之後後爲大彭亦稱彭祖。正義曰高姚二音臯陶字庭堅英六二國是其後也契音薛務

之祖也伯夷齊太公之祖也夔巨龜反樂官也倕音垂亦作

垂內言之官也益伯翳也即秦趙之祖彭祖自堯時舉用歷

夏務封自堯時而皆舉用未有分職正義曰分音

於大彭於是舜乃至於文祖謀于四嶽辟四

分謂封壇門明通四方耳目命十二牧論帝德行厚德遠

門明通四方耳目命十二牧論帝德行厚德遠

倭人

正義曰舜命十二牧論帝堯之德又躬之於民遠離邪倭之人言能如此則夷狄亦服從也

則蠻

夷率服舜謂四嶽曰有能奮庸

馬融曰奮庸明庸功也

美堯

之事者使居官相事皆曰伯禹爲司空可美帝

功舜曰嗟然禹汝平水土維是勉哉禹拜稽首

讓於稷契與臯陶舜曰然往矣

鄭玄曰然其舉得其人汝往居此官

不聽其舜曰棄黎民始飢

徐廣曰今文尚書作祖飢祖始也。索隱曰古文作祖飢

孔氏以爲阻難也祖阻聲相近未知誰得

汝后稷播時百穀

鄭玄曰時讀曰時。正義曰稷

農官也播時謂順四時而種百穀

舜曰契百姓不親五品不馴

鄭玄

曰五品父母兄弟子也王肅曰五品五常也。正義馴音訓

汝爲司徒而敬敷五教

在寬

馬融曰五品之教

舜曰臯陶蠻夷猾夏

鄭玄曰猾夏侵亂中國也

寇賊茲軌

鄭玄曰由內為茲起外為軌。正義亦作充。

汝作士

馬融曰獄官之長。正義

曰按若大理卿也。

五刑有服

正義曰孔安國云服從也言輕重之中正也按墨點鑿其額涅以墨劓截

鼻也刑則足也宮淫刑也男子

就謂大罪陳諸原野次罪於市朝同

五服三就

馬融曰五刑墨鼻非宮大辟三

族適甸師氏既服五刑當就三處

五流有度

正義曰度音徒洛反

尚書作宅孔安國云五刑之流各有所居也

五度三居

正義曰按謂度其遠近為三等之居也

維

明能信

馬融曰謂在八議君不忍刑宥之以遠五等之差亦有三等之居大罪投四裔次九州之外次中國

之外當明其罪能使信服之

舜曰誰能馴予工

馬融曰謂主百工之官也

皆曰

垂可於是以垂為共工

馬融曰為司空共理百工之事

舜曰誰能

馴予上下

馬融曰上謂原下謂照

草木鳥獸皆曰益可於是

以益為朕虞

馬融曰虞掌山澤之官名

益拜稽首讓于諸臣

朱虎熊羆

索隱曰即高辛氏之子伯虎仲熊也。正義曰孔安國云朱虎熊羆二臣也垂益所讓四

人皆在元

舜曰往矣汝諧遂以朱虎熊羆為佐

凱之中也

正義曰為益之佐也舜曰嗟四嶽有能與朕三禮

禮也鄭玄曰天事地事人事之禮也

皆曰伯夷可舜曰嗟伯夷以汝

為秩宗

鄭玄曰主秩尊卑。正義曰若太常也漢書百官表云王莽太常曰秩宗依古也孔安國云秩序

宗尊也主郊廟之官也

夙夜維敬直哉維靜潔

正義曰靜清也

云職典禮施政教使正直而清明

伯夷讓夔龍舜曰然

正義曰孔安國云然其推

賢不許其讓也

以夔為典樂教稷子

鄭玄曰國子也案尚書作胄子孔安國曰稷胄

聲相近。正義曰稷胄雉反孔安國云胄長子謂元子以下至卿大夫子弟也歌詩蹈之舞之教長國子中和祗庸孝友

直而溫

馬融曰正直而色溫

寬而栗

馬融曰寬大而謹敬戰栗也

剛而無

虐簡而無傲

正義曰孔安國云剛失之虐簡失之傲教之以防其失也

詩言意歌

長言

馬融曰歌所以長言詩之意也○正義曰孔安國云詩言志以蹈其心歌詠其義以長其言也

聲依

永律和聲

鄭玄曰聲之曲折又依長言聲中律乃爲和也○正義曰孔安國云聲五聲宮商角徵羽也律

謂六律六呂十二月之音也當依聲律和樂也

八音能諧母相奪倫神人

以和

鄭玄曰祖考來格羣后德讓其一隅也○正義曰八音金石絲竹匏土革木也孔安國云倫理也八音能

諧理不錯奪則神人咸和命變使勉也

夔曰於予擊石拊石百獸率

舞

鄭玄曰百獸服不氏所養者也率舞言音和也○正義曰於音鳥孔安國云石磬音之清者拊亦擊也舉清者和則

其餘皆從矣樂感百獸使相率而舞則神人和可知也按磬一片黑石也下音福尤反周禮云夏官有服不氏掌服猛獸

下士一人徒四人鄭玄云不服之獸也

舜曰龍朕畏忌讒說殄僞振

驚朕衆

徐廣曰一云齊說殄行振驚衆駟案鄭玄曰所謂色取仁而行違是驚動我之衆臣使之疑惑○正

義曰偽音危腫反言畏惡利口讒說之人兼珍絕茲爲人黨
恐其驚動我衆使龍遏絕之出入其命惟信實也此偽字太
史公變尚書文也尚書爲字作行音下孟反言
言畏已忌有利口讒說之人珍絕無德行之官也

命汝爲納

言夙夜出入朕命惟信

正義曰孔安國云納言喉舌
之官也聽下言納於上受上

言宣於下

必信也 舜曰嗟女二十有一人

馬融曰稷契皋陶皆
居官久有成功但述

而美之無所復勅禹及垂已下皆初命凡六人與上十二
牧四嶽凡二十二人鄭玄曰皆格于文祖時所勅命也 敬

哉惟時相天事

正義曰相視也舜命二十二人各敬行
其職惟在順時視天所宜而行事也

三歲一考功三考絀陟遠近衆功咸興分北三

苗

鄭玄曰所竄三苗爲西裔諸
侯者猶爲惡乃復分析流之

此二十二人咸成厥功

皋陶爲大理平

正義曰皋陶作士
正平天下罪惡也

民各伏得其實

伯夷主禮上下咸讓垂主工師

正義曰工匠若
今大匠卿也

百

工致功益主虞山澤辟

正義曰婢亦反開也

棄主稷百穀

時茂契主司徒百姓親和龍主賓客遠人至十

二牧行而九州莫敢辟違

正義曰禹九州之民無敢辟違舜十二牧也

唯

禹之功爲大披九山

正義曰披音皮義謂傍其山邊以通

通九澤決

九河定九州各以其職來貢不失厥宜方五千

里至于荒服南撫交趾北發

索隱曰

西戎析枝渠

庾氏羌

索隱曰

北山戎發息慎

鄭玄曰息慎或謂之肅慎東北夷

東

長鳥夷

索隱曰此言帝舜之德比撫及四方夷人故先以撫字摠之北發當云北戶南方有地名北戶又案

漢書北發是北方國名今以北發爲南方之國誤也此文省略四夷之名錯亂西戎上少一西字山戎下少一北字長字

下少一夷字長夷也鳥夷也其意宜然今案大戴禮亦云長夷則長是夷號又云鮮支渠搜則鮮支當此析枝也鮮析音

相近鄒氏劉氏云息並音肅非也且夷狄之名古書不必皆同今讀如字也。正義曰注鳥或作鳥岳括地志云百濟國西南海中有大島十五所皆置邑有人居屬百濟又倭國西南大海中島居凡百餘小國在京南萬二千五百里按武后改倭國爲日本國四海之內正義曰爾雅云九夷八威戴帝舜之

功於是禹乃興九招之樂

索隱曰招音韶即舜樂

致

異物鳳皇來翔天下明德皆自虞帝始舜年二

十以孝聞年三十堯舉之年五十攝行天子事

年五十八堯崩年六十一代堯踐帝位

皇甫謐曰舜所都或

言蒲阪或言平陽或言潘潘今上谷也。正義曰括地志云平陽今晉州城是也潘今嫺州城是也蒲坂今蒲州南二里

河東縣界蒲坂故城是也踐帝位三十九年南巡狩崩於蒼梧

之野葬於江南九疑是爲零陵

皇覽曰舜冢在零陵營浦縣其山九

谿皆相似故曰九疑傳曰舜葬蒼梧象爲之耕禮記曰舜葬蒼梧二妃不從山海經曰蒼梧山帝舜葬于陽丹朱葬於陰皇甫謐曰或曰舜之踐帝位載天子旗往朝父瞽

叟夔夔唯謹

徐廣曰和敬貌

如子道封弟象爲諸侯

孟子

曰封之有痺音鼻○正義曰帝王紀云舜弟象封於有鼻括地志云鼻亭神在道縣北六十里故老傳云舜葬九疑象來

至此後人立祠名爲鼻亭神輿地志云零陵郡應陽縣東有山山有象廟王隱晉書云此大泉陵縣北部東五里有鼻墟

象所封也

舜子商均亦不肖

皇甫謐曰穢皇無子女英生商均○正義曰譙周云以虞封舜

子今宋州虞城縣括地志云虞國舜後所封邑也或云封舜子均於商故號商均也

舜乃豫薦禹

於天

索隱曰謂告天使之攝位也

十七年而崩三年喪畢禹亦

乃讓舜子

正義曰括地志云禹居洛州陽城者避商均非時久居也

如舜讓堯子

諸侯歸之然後禹踐天子位堯子丹朱舜子商

均皆有疆土

譙周曰以唐封堯之子以虞封舜之子。索隱曰漢書律曆志云封堯子朱於丹淵為諸侯商均封虞在梁國今虞城縣也。正義曰括地志云定州唐縣堯後所封朱州虞城縣舜後所封也。

以奉

先祀服其服禮樂如之以客見天子

正義曰為天子之賓客也

天子弗臣示不敢專也自黃帝至舜禹皆同姓

而異其國號以章明德

徐廣曰外傳曰黃帝二十五子其得姓者十四人虞翻云

以德為氏姓又虞說以九有二十五人其二人同姓姁又十一人為十一姓西祁已滕歲任荀釐姁嫗衣是也餘十二姓

德薄不紀錄

故黃帝為有熊帝顓頊為高陽帝嚳為

高辛帝堯為陶唐

韋昭曰陶唐皆國名猶湯稱於商矣張晏曰堯為唐侯國於中山唐

縣是也

帝舜為有虞

皇甫謐曰舜嬪于虞因以為氏也今河東太陽西山上虞城是也

帝

禹為夏后而別氏姓姁氏契為商姓子氏

索隱曰禮

緯曰禹母脩己吞薏苡而生禹因姓姁氏棄為周姓姬

而契姓子氏者亦以其母吞乙子而生鄭玄駁許慎五經異義曰春秋左傳無駭卒羽父請謚與族公問族於眾仲眾仲對曰天子建德因生以賜姓胙之

氏族公問族於眾仲眾仲對曰天子建德因生以賜姓胙之主而命之氏諸侯以字為氏因以為族官有世功則有官族邑

亦如之公命以字為展氏以此言之天子賜姓命氏諸侯命族族者氏之別名也姓者所以統繫百世使不別也氏者所以別子孫之所出故世本之篇言姓則在上言氏則在下也

太史公曰正義曰太史公司馬遷自謂也自叙傳云太史公曰先人有言又云太史公曰余聞之董生又

云太史公遭李陵之禍明太史公司馬遷自號也遷為太史史公官題贊首也虞惠云古者主天官者皆上八公非獨遷

者多稱五帝尚矣索隱曰尚上也言久遠也然尚矣文出大戴禮然尚書獨

載堯以來而百家言黃帝其文不雅馴正義曰馴訓也謂百

家之言皆非典雅之訓薦紳先生難言之徐廣曰薦紳即縉紳也古字假借孔子

所傳宰予問五帝德及帝繫姓正義曰繫音奚計反五帝德及帝繫

姓皆大戴禮文及孔子家語篇名漢儒者以儒者或不傳

二書非經恐不是聖人之言故或不傳學也

索隱曰五帝德帝繫姓皆大戴禮及孔子家語篇名以二者皆非正經故漢時儒者以爲非聖人之言故多不傳學也

余嘗西至空峒

正義曰余太史公自稱也嘗曾也空峒

山在原州平高縣西百里黃帝問道於

廣城北過涿鹿

正義曰涿鹿山在薊州東南五十里

漸於海南浮江淮矣至長老皆各往往稱黃帝

堯舜之處風教固殊焉總之不離古文者近是

索隱曰古文即帝德帝系二書也近是聖人之說

予觀春秋國語其發明五

帝德帝繫姓章矣

等說甚

顧弟弗深考

徐廣曰弟但也史說漢書見此者非一又左思蜀都賦曰弟如滇池而不詳者多以爲字誤學者安可不博觀乎。正義曰顧念也弟且也太史公言博考古文擇其言表見之不虚甚章著

矣思念亦且不
須更深考論

其所表見皆不虛

索隱曰言帝德帝系
所有表見者皆不爲

虛妄

書缺有間矣

正義曰言古文尚書缺失其
間多矣而無說黃帝之語

其軼

乃時時見於他說

索隱曰言古典殘缺有年載故曰有
間然帝皇遺事散軼乃時時旁見於

他記說即帝德帝系等說也故已
今採按而備論黃帝已來事耳

非好學深思心知其

意固難爲淺見寡聞道也余并論次擇其言尤

雅者故著爲本紀書首

正義曰太史公據古文并諸
子百家論次擇其言語典雅

者故著爲五帝本紀在
史記百二十篇書之首

索隱述贊曰

帝出少典

居于軒丘

既代炎曆

遂禽蚩尤

高陽嗣位

靜深有謀

小大遠近

莫不懷柔

爰泊帝嚳

列聖同休

帝執事之弟

其號放勳

就之如日

望之如雲

郁夷東作

昧谷西曛

明敷文陋

玄德升聞

能讓天下

賢哉二君

右述贊之體深所不安何者夫叙事美功
合有首末懲惡勸善是稱褒貶觀太史公
贊論之中或國有數君或士兼百行不能
備論終始自可略申梗概遂乃頗取一事
偏引一奇即爲一篇之贊將爲龜鏡誠所

不取斯亦明月之珠不能無類矣今並重
爲一百三十篇之贊云

史計叁阡捌伯陸拾壹字

注計壹萬柒阡玖伯陸拾肆字

五帝本紀第一

史記一

[General Information]

□□=□□□□□□□□ □□ 1 □□

□□=(□□)□□□□

□□=71

□□□=□□□□□

□□□□=1936

SS□=12459880

DX□=000007544636

url=http://book2.duxiu.com/search
?&channel=search&tag=&sw=%B0%D9%
F1%C4%B1%BE%B6%FE%CA%AE%CB%C4%CA%
B7++%CA%B7%BC%C7++1++%B1%BE%BC%C7
&year=§year=&seb=0&pid=0&show
c=0&fenleiID=&Pages=1&searchtype=
1